

አይትምሰባብ ጳውሎስታ ክተና ሮማ ኤድንከሰካንታ እርድንታ

አይትምሰባብ ጳውሎስታ ክተና ሮማ ኤድንከሰካንታ ጸፍምሳንዳ ጳውሎስ ሮማር ዐፈርድን ምክሰ ኤሄንም ሰድንካንታ ገቅር ክታ ደቅድንካንታ ግግምሰኮ ከት ካርዝድንግንዴ። ጳውሎስታ ገቅርና ሮማር ደቅድን እሜንድባብከሰካ ክክን ቶክም ሰጫ ይ ፍክሳንደታ ቡር ከታ አሌንካ እሰፈን ፍጨናር እይካንቴ፤ ክርሰቶሶም እሜንድባብከሰታ እሜንንካ ይ ኤሳንደትምከ ክርሰቶሳር እሜንድባብከሰ ኬታ ይንታ ደቅንተናር ፍክሰዘን ኬት ዐቅስተርንደትምኬ ክርሰቶሳር እሜንድባብከሰታ ኤሰሰንካ ነክሳክደቆ ሙደንም ጸፍቴ፤ ጳውሎስታ ክታ ሙደና ዐፈርድንዳ ኮ ክተናሬ።

ጳውሎስ ሮማ ፍጨናር ደቅድን እሜንድባብከሰካንታ አቦ አቦ ይ ጋይሳንደታ ቡር ከትካንታ ይ ምግዝድንደትመረ ከትካንታ ዐድንጉርም ይ ኬዛንደታ ቡር ክታ ክተንታ አፍ ማቻን ገቅርና (1:17) “ሳብዘንካ ዐፈርድንዳ ጭለትቸና እሜንካ፤ እሜንካንታ ማቻንደትም ክላ ኬዘንካ መያ ማቴ” ጋይድን ቃለና ማትንተን ሰቕዝዴ።

ኮታ ቡር ጳውሎስ ኮትኮ ገቅርን ዳልግሰካ ጸብዴ፤ አይሁድንከሰረ ማታ አይሁድ ማታክን ኤድንከሰ ሙደና ጎማካንታ ቆልምድባብከሰ ማቻንካንታ ሳብካ ክክን ኤድማ ከትም ዝግዝዴ፤ ኤድንከሰ ሳብካ ክክን ኤድማካንታ ከት ማድንደረ የሱስ ክርሰቶሶም እሜንኬ፤ ኮትኮተረ ሳብካ ክክን ኬት የድን የድና ክላ ዋልቃትቹንታ አፍና ክላ ደቅንት ማትንተን ጳውሎስ ዳልግሰሶ ኬታ ቡዳር አርድንግንዳ ኬዝዴ። እሜንድባብ ሳብካ ክክን ሳራትቹካ ደቅተሬ፤ ሳብታ እያንጎካ ጎመተኬ ደእታ ዋልቀናርንካ ዉቕኩን ዉዴ፤ የድይ 5 ዘንካ 8 የለልታ ጳውሎስ ሳብታ ህግንኬ እሜንድባብከሰታ ደቅንተናር ፍግዝድን ሳብታ እያን ዋልቀንታ ገቅርና ዐፈማቹረ መያ ማዝዴ፤ ኮታዘንከረ የድሶ ጳውሎስ “ሳብ ኤድ ይንቕካንታ ክታ ደቅድን ገቅርናር አይሁድንኬ አይሁድ ማታክባብከሰ

ዐለግንደክ ዋልቃ ማዳ?። ጋይድን ኦይሰንታ ማሰ ኬዘንም ከዝካንታ ዝግዴ።

እናካርንከረ ጳውሎስ መያ ማሰሳንግንዳ፤ እይሁድንከሰ የሱሰም እመንክሳ ኬታ ነግና ሳብታ ገቅርዬ፤ ኮነረ ማቻንዳ የሱሰ ክርሰቶሰንካ ሳብ መያ ማሰሳን እቅንተንታ ዉቺ እምንተና ኤድይንቶ ሙደና ኮታር ማታባብዬ። ማታጋካ ዳት እይሁድና የሱሰም ኬት እመንድንደታ ሰጫ ዐድንደትም ጳውሎስ እሜንዴ፤ በእንታዘነረ ጳውሎስ ክርሰቶሳር ማትሶ ደቅንተን ዐለግንዳ ደቅ ኬትም ዝግዝዳናንከረ፤ ሰግሰሰረ እሜንድባብከሰ ክክ ክክ ኬታ ደቅድን ዋልቃትቸንካ ሶልመታ ጎግን ጎርሰም ኬትም ዝግዝድንደትም ቡዳር ኬታ እርድንግንዳ ኬዝዴ፤ ሳብታ ፍክሰርድንደትካ፤ ክርሰቶሳር ማቶባብከሰ ይንታ ፍጨንካንተኬ ክክ ክክተረ ኬታ ደቅድን ኦይሰምዝድንደትኬ፤ ኬታ ገቅርንካ እምድን ኦይሰንከሰንካ ዋልቀረ ነጋክናና ኬታ ቡዳር እርድንግንዳ ኬዝዴ።

ማጻፍን ኮትኮታ ሙዳ የድንተና

ማጻፍንታ እፍይ ማድን ኬዘንታ እርድንታ (1:1-17)

እቅንተና ኤድ ይንቶካንታ ዝግዝድንዳ ማትንተና (1:18—3:20)

ሳብታ እቅሰንተንታ ጎግና (3:21—4:25)

ክርሰቶሳር ዐፈርድንዳ ክላ ደቅንት (5:1—8:39)

እስራኤልንከሰ ሳብታ ገቅርናር (9:1—11:36)

ክርሰቶሳር ማቶባብከሰታ እዛ (12:1—15:13)

በእንታ ኬዘኬ ሳራትቹንካ (15:14—16:27)

¹ የሱሰ ክርሰቶሰታ ፍክሰንባብ ማቶባብዘንኬ፤ ኦይትምሰባብ ማትካንታ ኤልምሰባብዘንካ፤ ሳብተረ ክላ ኬዘንም ኤሰሰካንታ እድምሰባብ ጳውሎስዘንካ ኦይትምሳንዳ ክታ።

² ኮነረ ክላ ኬዘና ሳብዘንካ ኤሰርሶ ኬዝድባብከሰንካ ጭል ማጻፍንከሳር እርምሶ እምሳን ጉርም ቃሌ።

³ ክላ ኬዘና ሳብታ ይንቶንካ፤ ኤድ ማትሶ ዳዊትታ ሱሳርንካ ክታ አጥርን ኤሰምሰዝድንዴ፤

⁴ ኮትኮግንደረ ዋንታ ጮይሰ የሱሰ ክርሰቶስ ይንታ ፋሳን እያንካ ደእያርንካ ይንታ እምንተንካ እንድር ዋልቀካ ሳብ ይንቶ ማትንተና ኤሰምሴ።

5 ክርስቶስ ተላምንካንታ አይሁድ ማታክባብ ሙደና ከት እሜንድንግንደኬ ክትምድንግንዳ ይይካንታ ክትነካ ወቹ እምንተነኬ ኦይትምሰባብ ዋም ማዘድንደትም ተይቶቴ።

6 የተረ የሱሰ ክርስቶስ ማድንግንዳ ሳብ ኤልሰባብ ኮችንከሰታ ዋክያርንከቴ።

7 ኮካንታ ሮማር የ ዶቅድባብካንታ፡ ሳብ የም ሶልምሰባብከ ክታ ኮች የ ማድንግንዳ የ ኤልምሰባብ ሙደንካንታ፡

ዋንታ ባቤን ሳብዘንኬ ጮይሰ የሱሰ ክርስቶስ ወቹ እምንተነኬ ሳራትቸንካ የካንታ ማታ።

ጳውሎስ ሮማር እሜንድባብከሰም ሰድንካንታ ክታ አንገርና

8 የንታ እሜንና ፍጫሙደንዘን ኤሰምሳንካንታ፡ ሙደንዘንካ እርምሰሰቶ የሱሰ ክርስቶስንካ የ ሙደንካንታ እሰታ ጮይሰን ጋለድቴ።

9 ሙዳዐይካ እሰታ ምክሰንካ የም እ ገቀርድንደትም፡ ክታ ይንቸንነካ ኬዘድንደትም ክላ ኬዘን ኤሰሰካ ቡዳርንካ እ ክትካንታ ፍግዘድባብ ሳብ እሰታ ማርኬ።

10 ጉጅሶ ታ በእንተዘን የንደር ዐድካንታ ሳብታ ጋይታ ማቸንካ እሰታ ጎገና ፎችምሳንዳ ማድንግንዳ ሙዳዐይካ ምግዘድቴ።

11 እሜንካ የ ዳቅድንግንዳ የም ይድንደትም እያናር እምንተን የካንታ ካሰካንተከ የም ሰድንካንታ ዝግድቴ።

12 ኮመረ እሰታ ጋይንተና እታ የንታ እሜንካ፡ የተረ እሰታ እሜንካ ክክ ክክ ዋ ዳቅዘድንግንዳ።

13 እሰታ እሰመንከሰኬ ምቹነንከሶ! አብንከሰ አይሁድ ማታክባብከሰታ ዋክያር በድ እሜንድባብከሰም እ ዐፍሳንግንዳ ኮግንደረ የንታ ዋክያር እሜንድባብከሰም ዐፍሳንታ ዝግትትዶቆ፡ ኬዛር ማቼ የንደር ዐድካንታ በድዐይካ ገቀርሰቶ ታ የለልታ እካንታ ቦድማክንዳ ማትንተን የ ኤዘድንግንዳ ሶልምድቴ።

14 ግርክ ኤድንከሰካንተረ ማታ ግርክ ማታክባብካንተረ፡ ኤሰንም ኤሰባብከሰረ ማታ ኤሰንም ኤሳክን ዋርሰን ክላ ኬዘን ኤሰሰታ ነጋይንዳ ባዛ እዘን ዶቅዴ።

15 ኮካንታ ሮማ ፍጨናር የ ዶቅድባብካንታ ክላ ኬዘን የም ኤሰሰካንታ አንገርድቴ።

ክላ ኬዘንታ ዋልቀና

16 እታ ክላ ኬዘነታ ቃለንካ ኦሰናይቲ፥ ክላ ኬዘነታ ቃለና እርምሶ አይሁድንከሰካነታ ጉጅሰረ አይሁድ ማታክባብከሰካነታ፥ ኮትግንደረ አሜንድን ኤድንከሰም ሙዳ አቅዘድንዳ ሳብታ ዋልቁ።

17 ጭልና አሜንካ ደቅንተን ዐብደ። ጋይምሶ ጸፍምቲ፥ ሳብታ ጭለትኝነረ ክላ ኬዘነካ ዐረፈሳንጎካ እርንደትዘንካ የድሶ በእነታ የለልታ ኤድ ጭልምድንዳ አሜንኬ።

ኤድንከሰታ ባችንዘን ሳብታ ዋጭና

18 ኤድንከሰ ይነታ ባችንካ ዶፈንና ኤሰምዳክንግንዳ ይደኬ፥ ሳብመረ ጳሰክሳ ከት ነገዳንጎኬ ከታ ባችንካ ሙደንዘን ሳብታ ዋጭና ጭላርንካ መያ ማዴ።

19 ከትም ዋጭድንደረ ሳብጎካ ኬትም ኤሰንታ ዝግዝድንደትም ሳብ ይነታ ማታርንካ መያ ማሰሳን ኤሰር ኬት ዐቃንካንቴ።

20 ፍጫ ሙደና ፍዝምሳንዘንካ የድሶ ኤድንከሰካነታ ዐረፈሳንጎካ ሳብታ እዘና፥ ና ኮነረ ሰለንክንደታ ክታ ዋልቀንከ ክታ ጮይሰትቸና ክት ፍዛን ሪንከዘን መያ ማትሶ ዐረፈሳን ኦል ኤድንከሰ ባጅድን ባችንታ ከት ሱርድንደታ ጎግ ካዬ።

21 ከታ ሳብም ኤዘድዶቀኮ ክትካነታ ክታ ጮይሰትቸንግንዳ ክትካነታ ዝግዝድንደትም ቦንቼኬ ጋለትካ እማከኬ፥ ከታ ይነታ ገቀርንከረ ሪካነታ ማዳክባብ ማቼኬ፥ ከታ ገቀርዳክን ቡደነረ ቱንይ ማቼ።

22 “ኤጨንባቦቴ” ኬት ጋይድንካ ዳቼንከሰ ማቼኬ።

23 ካይዳክባብ ሳብም ቦንቸርድንደታ ካርያር ካይድን ኤታ ካምሰንከሰካ፥ አፍትካ፥ ኦይድ ዱት ደቅድባብከሰም፥ ፍጨካ ጎችምድን ፍዝርንከሰምኬ ካምሰካ ፍክሰምሰባብከሰካነታ ቦንቻ እምሰኬ።

24 ኮካነታ ክክ ክክ ይነታ ገታ ዘነንዘን ኦሰንዝድን ይተንም ኬት ይድንግንዳ ሳብ ቱና ጮጫን ኬታ ዳቅል እንግርን ካነታ ቆልምድባብከሰ ማተርንግንዳ ኬትም ሰክሰት እምሴ።

25 ኮነረ ማቻንዳ ሳብታ ዶፈንን ካርከካ ከት ኦክሳንካነታ፥ ፍዝባብታ ካርያር ፍዝምሰ ርም ከት ጎይንሳንጎኬ፥ ከት ፍክሳን ካንቴ። ሳብ ማቼ ሰለንክንደታ ጋለትምሰባቤ፥ እምንኤ።

26 ኬታ ማንነከሰ ዋራ አግንኝከሰካ የል ዝግዝድንካ ማነኬ ማነካ ክክን ከታ የልንዘንካ አምሳንዳ ሳብ ዝግዝዳክን የለርዝድን አንግርን ካንታ ሰክሰት ከትም እምሴ።

27 ኮት ኮግንደረ አግንኝከሰ ማንነከሰካ ክክን የልንተን ዛቅሰኮ ክክ ክክ እንገርሰኬ፤ ኮካንታ አግንኝከሰ አግንኝከሰካ ክክን የልሰኬ፤ ኬታ ይንታ ኮትርንጎካ ኬትም ዝግዝድን ዋጭን ይንታ ዋሄንዘን ተይደኬ።

28 ኤድንከሰ ሳብም ኤሰካንታ ከትዘጋክን ኦል የለርዝድን ር ኬት ይድንግንዳ ሳብ መይዳክን ማክቻ ካንታ ሰክሰት ከትም እምሴ።

29 ኮካንታ ዳቀልሰካ፣ ባችካ፣ ድሰካ፣ ጨበካ፣ ቀምሰካ፣ ሰንፓ ደይሰካ፣ ዋጭመካ፣ ገሰካ፣ ዳቅል አንግርካ ሙዳ ጮጭባብከሰ፣ ኮትኮግንደረ ካሪ ኬዘድባብከሰኬ።

30 ኤታ ካሪ ኬዘድባብከሰ፣ ሳብም ግርድባብከሰ፣ ኤድም ቶጅድባብከሰ፣ ኦትረንባብከሰ፣ ጨቅድባብከሰ፣ ዳቅልን ፍክሰካንታ ጎግ ዝግድባብከሰ፣ አጭባብከሰካንታ ክትምዳክባብከሰ።

31 ገቀርት ተይዳክባብከሰ፣ ኬዘምሶ ኤእሳንደትም ግርድባብ፣ ሶልማ ካየንባብከሰ፣ ጋርዘድባብከሰኬ።

32 “ከትኬና ሪን ይድባብከሰም ሙዳ ደእ ከትም ዝግዝዳ” ጋይድንደትም ሳብታ ህግንም ኤሰረኮ ኮም ሙዳ ይደኬ፣ ይይንታ ዐከፈ ማታክናና ኮግንዳ ይድባብ ኤድንከሰም ዳቅዘደኬ።

2

ሳብታ ጭል ፍርደና

1 አብ ኤድንዘን የና ፋረድባብ የሰታ ማታካንታ የሰ ሱርድንዳ ጎግ ካዬ፣ ኮካንታ፣ አብ ኤድንዘን የሰ ፋረድንካ የሰታ ማተንዘን ፋረደዬ፣ የና ኤታዘን ፋረደረዮ፣ የሰ ፋረጅባብ ኤችንክት ይድንደትም የና ይደዬ።

2 ኮም ይድባብ ኤድንዘዘን ሳብ ከትም ዝግዝድንደትም ከታዘን ፋረድንደትም ኤዘደቴ።

3 የና ኤችኖ! ኩን ይድባብ ኤድንከሰታዘን ፋረደረዮ፣ ከት ይድንደትም የሰ ይድንካ ሳብታ ፍርደንዘንካ የሰ ሱርድንደትም ካምዶ?

4 እነረ ሳብታ ገቅር ላቅምንኬ ሙደን ክታ ጋምንተን፡ ክታ ዳንዳእነታ ቢድምን የና ቶችተራ? ሳብ የሰካነታ ይነታ ላቅምንም ክት በችሳንዳ ጎማ ፍክሰን ወይሰርድንደታር የሰም ጎርሰካነታ ማቻንደትም የና ኤሳያ?

5 ይና የና ጎማ ፍክሰን ወይሳክሳ የሰታ ነግነኬ ጉልማባብ የሰታ ማትንተንካ ሳብታ ዋጭንኬ ገታ ክታ ፍርደና መያ ማድን ሰጩንካ የዘን ዋጭና በድንግንዳ ይደዬ።

6 ሳብ ዋልቃ ዋልቀንካነታ ክታ ፍክሰንግንዳ ክትካነታ እምዴ።

7 ኡርማ ፍክሰካ ዳቅንተካ ጋለትንኬ ቦንቹን ካይዳክን ደቅንተን ዝግድባብከሰካነታ ሳብ ሰለንካ ደቅንትን ከትካነታ እምዴ።

8 ኬታ ይነታ ማታካነታ መይድንደትም ዝግድባብከሰካነታ፡ ደፈንንካነታ ክትምዳክባብከሰካነትኬ ዳቅልንካነታ ክትመር ኤድዘን ዙዝማኦንግድባብከዘን ማቹ ሳብታ ዋጭኬ ጋደካ ከታዘን ባተራ።

9 እርምሶ አይሁድንዘን፡ ኮታዘንከረ አይሁድ ማታክባብከሰ ዳቅልን ይድባብ ኤድ ሙደንዘን ማጠኬ ኦይምካ ከታዘን ባደዴ።

10 ኬዛር ማቹ ኡርማ ሪን ይድን ኤድንከሰ ሙደን አይሁድን ካንተረ ማታ አይሁድ ማታክባብከሰካነታ ጋለትኬ ቦንቹካ ሳራትቹንረ ከትካነታ እምምተራ።

11 ሳብ ኤድንከሰታ ባላካነታ ጋይሶ ፍክሳዬ።

12 ሙሴታ ህግ ከትካነታ ካየንድትከረ ጎማ ፍግዝድባብከሰ ሙደና ህግና ከትካነታ ካየንዳ ማቹረ ካይደኬ፡ ሙሴታ ህግ ኬታ ደቅድንካ ጎመን ፍግዝድባብከሰ ማቹ ሙደና ህግንካ ፋረድምደኬ።

13 ሳብታ እሪ ጭልምድባብከሰ ሙሴታ ህግንም ኤሰርሶ ፍክሰዘን **ባታዝድባብ** ከሰክ ዳት ህግንም ኤሰርሰኮ ፍክሰዘን **ባታዝዳክባብከሰ** ካየኬ።

14 ሙሴታ ህግ ካየንባከሰ አይሁድ ማታክባብ ኬታ መጠንግንዳ ደቅድን ሙሴታ ህግና ክድንደትም ቦደኬ፡ ኮትኮንከረ ህግና ኬታ ካያናንከረ ኬታ መጠንካ ደቅድን ህግን ይ ኬትም ዝግዝድንደትም ኬታ ኤዘደኬ።

15 ኮነረ ከታ ይተና ህግና ክድን ርና ሙዳ ከታ ቡድና ጸፍምሳንዳ ማትንተን ሰጅዴ፡ ጉጅሰረ ከታ ገቅርና ከታዘን ማርከርዴ፡ ከታ ገቅርና ዋልቃ ዋልቃ ከትም ገቅርሰዝዴ፡ ዋልቃ ዋልቀረ ከትም ዳቅዝዴ።

16 ኮነረ ማድንዳ እ ኤሰምዝድን ክላ ኬዘንታ ቃለንግንዳ ሳብ የሱሰ ክርሰቶሰጎካ ኤድንከሰ ከት ፍክሳን እቕምሳን ሪንታዘን ፋረድን ሰጨንኬ።

ዶፊን አይሁድ ማትንት

17 ይና፡ የና “አይሁድቴ” ጋይደዬ፡ ሙሴታ ህግንከረ ገክንደዬ፡ ሳብተረ የሰታ ማትንተንካ ጋይርደዬ።

18 የና ሳብታ ጋይተንም ኤዝደዬ፡ ሙሴታ ህግን የሰ ኤሳንካንታ ኡርማ ይተንም ኤዝደዬ።

19 “የና እፍ ዝልንከሰታ ጎርሰንባብቴ፡ ኡማር ዶቅድባብከሰካንተረ ሳክምቴ ጋይሶ የሰታ ማተንም የሰ ጨቅዴ፡

20 ኤሳክባብከሰመረ ኤሰዝድቴ፡ ይንቕንከሰመረ ኤሰዝድቴ” ጋይደዬ፡ ኮትኮግንደረ “ሙሴታ ህግንካ ኤሰንካ ዶፊንታ ካምሰና እሰታ ዶቅዴ” ጋይደዬ።

21 አብንከሰም ኤሰዝድባብ ማዳዮ ይና የሰታ ማተን ዐረተረ የሰ ኤሰዝዳክንዳ? ዐይድብቴ ጋይደዬ፡ የና ማቼ ድብደዬ፡

22 ዐይ ቤልምቴ ጋይደዬ፡ የና ማቼ ቤልምደዬ፡ የና ሳብዘንካ አብ ሪን ጎይንንም ቦዝደዬ፡ ሳብታ ጭል ኤሄናርንካ ማቼ የና ቡርደዬ።

23 የና ሳብታ ህግንካ ጋይርደዬ፡ ኬዛርንካ ማቼ ህግንም ወልእንተካ ሳብም የና ቶጅደዬ።

24 ኮነረ፡ “የ አይሁድንከሰጎካ ሳብታ ላምና አይሁድ ማታክባብከዘደር የክምዴ” ጋይምሶ ጸፍምሳንግንዴ።

25 ሶለንም ተቕና ገታ የሰም መይድንዳ ሙሴታ ህግንም የሰ ቦጂ ዳት፡ ህግንም የሰ ወልእድባብ ማቼ የሰታ ሶለንም ተቕርና የሰ ተቸራክንግንዳ ፋይድምዴ።

26 ኮካንታ ሶለንም ተቸራክንባብ አይሁድ ማታክባብከሰታ ኮቕና ህግንታ ክተንም ቦድባብ ማቼ፡ ክት ሶለንም ተቸራክንደና ተቸርሳን ግንዳ ፋይድምዳ ካዮ?

27 ጸፍምሳን ሙሴታ ህግ የሰካንታ ዶቅድንካ ሶለንም ተቸርሰባብ ማትሰዮ ህግንም የሰ ወልእሴ ዋሄካ ሶለንም

ተቸራክባብ ማትሶ ሙሴታ ህግንም ቦድባብ አይሁድ ማታክባብከሰታ ኮችና የዘን ፋረደኬ።

²⁸ ይና ላምንካ ዐክ አይሁድ ማቸባብ ዶፊን አይሁድ ካዬ፥ ኮትኮግንደረ ዘንጎካ ዐፈርድን ዋሄታ ሶለንም ተቸርና ዶፊን ተቸርካዬ።

²⁹ ዶፊን አይሁድ ማትንተና ዋርጎካ አይሁድ ማቸባብ፥ ዶፊን ሶለንም ተቸርና ሳብታ አያናር ማድንዳ ቡደታ ሶለንም ተቸርና ዳት ሙሴታ ህግንካ ጸፍምሳን ግንዳ ዋሄታ ሶለንም ተቸርካዬ። ኮግንዳ ኤድና ጎፍሰን ክት ዐብድንዳ ሳብዘንካዳት ኤድዘንካ ካዬ።

3

አይሁድንከሰታ አሜንክሳነግና

¹ ይና አይሁድ ማቸባብ አይሁድ ማታክባብዘንካ ሰገድንዳ ዐረከረ? ሶለን ተቸርና ዐሮክ መዬ?

² ገታ አይሁድ ማትና በድ ጎግካ ሰገዴ፥ ዝግዝድ ሪይና ሳብ ይንታ ቃለን አይሁድንከሰካንታ ዋደካ ክታ እምንተኔ።

³ ይና፥ አይሁድንከሳርንካ ዋልቃ ዋልቀንከሰ አሜንምሰባብ ማትሶ ዐፈርክ ከት ማቼ፥ ኬታ አሜንምክሳ ነግና ሳብ አሜንምሰባብ ማቻንደትም ነግዝዶ?

⁴ ቦድሶ ነግሳዬ!

“የሰታ ቃለንዘንካ እምሳንዳ ዶፊን ማደዬ፥

የሰታ ይምኤንባብም ሳብታ ፍርደናዐይካ ጋምደዬ”

ጋይምሶ ጸፍምሳን ግንዳ ኤድ ሙደና ካርካባብ ማቸንከረ ሳብዶፈኔ።

⁵ ኬዛር ማቼ ዋንታ ጎመና ሳብታ ጭላትቸን ሰጅድንዳ ማቼ ይና ዋታ ዐሮንት ጋይቲ? ሳብ ዋንታ ጎመንጎካ ዋም ዋጭዴ ገታ ኖ ፋረድባብ ካዬ ጋይንትዮ? ኮዘን እ ኬዘድንዳ ኤታ ገቀር ግንዴ።

⁶ ቦድሶ ኩን ካዬ! ኩን ኮት ማቼ ሳብ ፍጫሙደንዘን ዐስክ ፋረዳ?

⁷ ኬዛር ማቼ ካርካባብ እሰታ ማትንተና ሳብታ ዶፊንን መያ ማሰካ፥ ክታቦንቼንታ በድምን ሰጅድንዳ ማቼ ይና፥ እም ጎማባብ ማሰሶ ክት ፋረድንዳ ዐራጎከረ?

8 ዋልቃ ዋልቃ ኤድንከሰ “ኤርማ ሪም ዐፋካንታ ዳቅል ሪም ዋ ይያ” ገዢቶ ኤሰዝድባብ እም ካምሰሰኩ ካሰዘደኬ፥ ኮካንታ ኮግንዳ ደቅድባብከዘን ፋረድምድን ፍርደና ገቴ።

ኤድ ሙደና ጎማባብ ማትና

9 ይና፥ ዋታ አይሁድንከሰ አይሁድ ማታክባብከዘንካ ሰግዶት ጋይንትዮ? ቦድሶ ኩን ካዬ! ኤድንከሰ ሙዳ አይሁደረ ማታ አይሁድ ማታክባብረ ጎማባብከሰ ኬታ ማትንተን እርምሰቶ ቡዳር አርድንግንዳ ኬዘትቴ።

10 ኩን ጋይምሶ ጸፍምሳንግንዳ

“ዋልቃ ዋራ ጭል ኤድ ካዬ፥

11 ገቀርድባብረ ካዬ፥

ሳብመረ ዝግድባብ ዋልቀረ ካዬ።

12 ሙደነረ ሳብታ ጎግንዘንካ ዉተኬ፥

የካ መይዳክባብከሰ ማተኬ።

ላቅም ፍክሰን ፍግዝድባብ ዋልቃ ኤድ ዋራ ካዬ።

13 ኤድም ሰቅዝድን ዳቅል ኬዘካንታ፥

ከታ ጎርዝና ዱክታ ጎርግንዳ ፎችምሳንዴ፥

ከታ ይነታ እድምንካ ገሰዘደኬ፥

ኬታ አፈናርንካ ዉድን ዳቅል ኬዘነረ ጉኒ ፋክት ደይዝድንደት ግንዳ ኡፈልዝድንዴ፥

14 ኬታ አፈናርንካ ዉድንዳ ባድከ ዳቅል ኬዘካ ጮጫንዴ

15 ኬታ ዱትነረ ኤድም ደይሳካንታ ሳነርሳንዴ፥

16 ኬታ አይድን ካርሙደናር ዐፈርድንዳ ካይንተከ ማጠኬ።

17 ሳራትቹንታ ጎግን ኤሳየኬ፥

18 ሳብመረ ቦድሶ ጳሰ ኬታዘን ዐፈራዬ”።

19 ሙሴታ ህግና ሰጅድንዳ ህግታ ጎያር ደቅድባብከሰም ማታንደትም ዋታ ኤዘዶቴ፥ ኮካካ ኤድንከሰ ኬዝድንደታ ጎግ ካይድንካ ጫም ጋይደኬ፥ ፍጫ ሙደና ሳብታ ፍርድንታ ጎይያር ማዴ።

20 ኮካንታ ዐየነረ ኤድ ሳብታ እሪ ሙሴታ ህግን ቦድካ ጭልማዬ፥ ህግና ሰጅድንዳ ኤድ ሙደና ጎማባብ ማትንተኬ።

እሚንካ ዐፈርድንዳ ጭልም

21 ታ ማቼ ሳብ ኤድንከሰም ክት ጭልዝድን ጎግና ሙሴታ ህግን ካይሳ ማትንተና መያ ማቲ፥ ኮነረ ሙሴታ ህግናርኬ ሳብዘንካ ኤሰርሶ ኬዛቅባብከሰካ ማርከርሞቲ።

22 ኮካንታ ሳብ ዐረሰነረ ፋሳክዶቆ የሱሰ ክርሰቶሰካ እሚንድባብም ሙዳ ጭለትቸንም እምዴ።

23 ኤድንከሰ ሙደና ጎማ ፍክሴ፥ ሳብ ከትካንታ እምሳን ቦንቹና ከታዘንካ ካይቲ።

24 ኮካንታ ኤድንከሰ የሱሰ ክርሰቶሰ ቦጃን አቅሰንታ ፍክሰንካ ሳብታ ዉቺ እምንተንካ ዐክ ጭልምደኬ።

25 ሳብ የሱሰ ክርሰቶሰም ካሲ ማሰሶ ግግሳንደና ክትካ እመንምድባብ ሙደና ክታ ማቀሰንካ ኬታ ጎመንታ ላላ ጋይን ኬት ዐብድንግንዴ፥ ሳብ ኮም ክታ ይይና ይንታ ዳንዳእንካ ኤና እሪ ኬታ ጎመን ካያ ማሰካ ይንታ ገታ ፍርደን መያ ማሰካንቲ።

26 ታ ኮሰለናረረ ሳብ ይንታ ማታርንካ ጭል ማትንተን ሰጅድንዳ የሱሰካ እሚንድባብከሰም ሙዳ ጭልሰኬ።

27 ይና ዋ ጋይርድንዳ ሪ ዐራዶቅዳ? ዐራርከረ ጋየራዮቲ! ዋ ጋየርዳክንዳ ዐራጎከረ? ሙሴታ ህግን ዋ ቦድንጎኮ? ኩን ካዬ፥ ኬዛር ማቼ እሚንኬ።

28 ኮካንታ ሳብ ኤድም ክት ጭልዝድንዳ፥ ኤድ ሙሴታ ህግንታ ፍክሰንም ቦድንተካ ማታክናና እሚንካ ማትንተንም ገቀርዶቲ።

29 እና ሳብ እይሁድንከሰታ ዐክ ጮይሰዮ? እይሁድ ማታክባብከሰታ ጮይሰካዮ? ገታ እይሁድ ማታክባብከሰተረ ኖ ጮይሰዬ።

30 ዐረታ ጋይሴ ሶለን ተቸርሰባብከሰም እሚንካ ሶለን ተቸራክባብ ከሰመረ ኮትኮ እሚንካ ጭልዝድባብ ኖ ዋልቃ ሳብዬ።

31 ይና እሚንንጎካ ሙሴታ ህግንም ነግዘዶት ጋይንትዮ? ኩን ካዬ፥ ሰግሰሶ ሙሴታ ህግን ዳቅሰሶ የዶቲ።

4

ኣብራህም እሚንካ ጭልምሴ

1 ይና ዋሄካ ዋንታ ባቤና ማቼባብ ኣብራህም ዐፍሴ ዋ ጋይድንዳ ዐራርየረ?

2 አብራሃም ጭልምሳንዳ ፍክሰካ ማቼሰናና፤ ይ ጋይርድ ር ዐብዳዶቶ፤ ማታጋካ ዳት ሳብታ እሪ ጋይር ካንታ ማታዬ።

3 ጭል ማጸፍና “አብራሃም ሳብካ እሜንሴ፤ ክታ እሜንነረ ጭል ማትሶ ክትካንታ ፋይድምሴ” ጋይዴ።

4 ፍግዝድባብ ኤድ ክት ዐብድን ፍክሰንታ ናክና ዝግዝድንዳ ክት ፍክሳንከካ ዳት ወቺ እምንታ ካዬ።

5 ኤታ ኡርማ ፍክሰ ካያ ማቼረ ዋራ ጎመንባብከሰም ጭልዝድን ጮይሰንካ እሜንሴ ክታ እሜንና ጭል ማትሶ ክትካንታ ፋይድምዴ።

6 ዳውተረ ይጎካ ሳብ ኡርማ ፍክሰካይሳ ክት ጭልዝድን ኤድ ዐራከካ እንጅምሰባብ ማትንተን መያ ማዝድዮ፤

7 “ኬታ ባቕንም ነጋ ጋይምሰባከሰኬ
ጎመን ኬታ ነጋ ጋይምሰባብ ኤድንከሰ
ክታ እንጅምሰባብኬ!

8 ጮይሰ ክታ ጎመን ክታዘን ፋይዳክን ኤቕና
እንጅምሰባቤ!” ኩን ጋይሴ።

9 ይና፡ ዳዊት ኬዛንዳ ኮና እንጀና ሶለን ተቸርሰባብከሰካንታ ዐክዮ? እና ሶለን ተቸራክንባብከሰካንተረ ዋር? ሶለን ተቸራክንባብከሰካንተረ ዋሪ፤ “አብራሃም ሳብካ እሜንምሳንኦል ክታ እሜንና ጭል ማትሶ ክትካንታ ፋይድምሴ” ጋይቶቲ።

10 ይና አብራሃምታ እሜንና ጭል ማትሶ ክትካንታ ፋይድምሳንዳ ዐንተረረ? ሶለንም ክት ተቸርተርንደታ እርዮ እነረ ክት ሶለን ተቸርሳንደታ ቡርዮ? ሶለን ክት ተቸርተርንደታ እሪ ዳት ሶለን ክት ተቸርሳንደታ ቡር ካዬ።

11 አብራሃም እክ ክት ሶለንም ተቸርተርንደታ እሪ እሜንና ክታ ጭል ማትሶ ክትካንታ ፋይድምሳን ግንዳ መያ ማሰታ ቃዉታ ክትካንታ ማድንግንዳ ሶለንም ተቸርሴ፤ ኮካንታ አብራሃም፤ ሶለን ተቸራክዶቆ እሜንድባብከሰካንተኬ ኬታ እሜንና ጭል ማትሶ ክትካንታ ፋይድምድባብ ሙደንታ ኖ ባቤኔ።

12 ኮትኮግንደረ አብራሃም ሶለን ተቸርሰባብከሰተረ ባቤኔ፤ ሶለን ተቸርሰባብከሰካንተረ ባቤና ክት ማቻን ጎግና ክታ ተቸርንካ ዐክ ማታክናና ኖ ይ ተቸርተርንደታ እሪ ክታ ዐቃን እሜንን ክታ ጎርሰምንከረ ዋሪ።

አሜንካ እምምድን ሳብዘንካ ጉርም

13 አብራህመኬ ክታ ሱስንካ ፍጫ ሙደን ኬት ተይድንደትም ሳብ ዐድን ጉርምን ክትም እምሳንዳ አሜንካ ክት ዐድሳን ጭለትቼንካንታ ዳት ሙሴታ ህግንም ክት ቦጃንካንታ ካዬ።

14 ዐድን ጉርምን ተይድባብከሰ ሙሴታ ህግንም ቦድባብ ኤድንከሰ ኬት ማቼ አሜንንታ መይንታ ካዬ፤ ዐድን ጉርምነረ ወቹኩን ማዳ።

15 ሙሴታ ህግና ተይዐድንደና ሳብታ ዋጭኔ፥ ሙሴታ ህግና ካያማቼ ህግንዘንካ ሰግና ባቕ ማታዬ።

16 ኮካንታ ጉርምና ዶቅድንግንዳ ይምሳንዳ አሜንንታ ዘኔ፥ ኮነረ ጉርምና አብራህመታ ሱሳ ሙደንካንታ ሳብዘንካ ወቹ እምንተንካ እምምሳን ማትንተና ኮካ መያ ማቲ። ኮነረ ሙሴታ ህግንም ጎርሰምድባብከሰካንታ ዐክ ማታክናና አብራህመግንዳ አመንሰባከሰ ሙደንካንቲ፥ ኮዘንከረ እምሳንዳ አብራህም ዋ ሙደንተረ ባብኔ።

17 አብራህምካከረ፥ “ብድ ዋርሰታ ባቤና የሰም ማሰትቲ” ጋይምሶ ጸፍምቲ፥ ኮነረ ጉርምና አብራህምካንታ እምምሳንዳ ኖ ደእሰባብከሰም እምሰዘድባብኬ ካየንደትም ዶቅድንግንዳ ይድባብ ጮይሰንካ ክት አመንሳንካንቲ።

18 አብራህመም የሰታ ሱሰና እንድር በተሬ ጋይምሶ ከዝምሳንደትግንዳ ብድ ዋርሰታ ባቤና ክት ማድንደትም አመንሳንደትኬ ጉርም ክት ይሳንዳ ዐረጎረ ጉርም ይምዳክን ሪዘኔ።

19 ሰለነረ ክታ ዋልቃ ጸታ ማታባብ ማቕንከረ ክታ እኳናትቸንታ ጋፍንካ ደእሰባብግንዳ ማትንተንካን አጥማካንታ ይ ማዳክንደትምኬ ሳረረ ዶንጀርሶ አጥማ ካንታ ኮት ማዳክንደትም ኖ ይ ኤሰንከረ ይንታ አሜንካ ጋፍሰባብ ማታክዬ።

20 ይንታ አሜንካ ዛብዝባብ ማትሶ ሳብካንታ ቦንቻ እምሳ ዳት ሳብ ክትካንታ እምሳን ዐድን ጉርምንካ አሜንዳክቲ ጋይሶ **ዐኤራክዬ።**

21 ሳብ ክትካንታ እምሳን ጉርምና ቦድምድንዳ ማትንተን ቦድማ ቡዳርንካ አመንድ ዐቁ።

4:13 ፍዝ. 17:4-6፤ 22:17-18፤ ገላ. 3:29። 4:14 ገላ. 3:18። 4:16 ገላ. 3:7። 4:17 ፍዝ. 17:5። 4:18 ፍዝ. 15:5። 4:19 ፍዝ. 17:17።

22 ኮካንታ ኡብራህመታ አሜንና ጭል ማትሶ ክትካንታ ፋይድሞሴ።

23 ኬዛር ማቼ “ጭል ማትሶ ክትካንታ ፋይድሞሴ” ጋይድን ቃለና ጸፍሞሳንዳ ኡብራህሞ ካንታ ዐክ ማታክና።

24 ዋካንተረ ዋሬ። ዋንታ ጮይሰን የሱሰሞ ደእናርንካ አምሰሳን ጮይሰንካ ዋ አሜንድባብ ዋካንተረ ዋንታ አሜንና ጭል ማትሶ ፋይድሞዴ።

25 ኮና ዋንታ ጮይሰን የሱሰረ ዋንታ ጎመንካንታ ደእካንታ ሰክሰሞት አምሞሰባብኬ ዋመረ ጭልሰካንታ ደእያርንካ አምሰባቤ።

5

አሜንካ ዐፈርድን ሳራትቸኬ ኤድማካ

1 ይና ዋታ ጭላትቸንሞ ዐፍሳንዳ አሜንካ ማቸንካንታ ዋንታ ጮይሰን የሱሰ ክርሰቶሰካ ሳብካ ክክን ሳራትቸ ዋንታ ደቅዴ።

2 ታ ፈንክ አሜንካ ዳቅሶቶ ዋ ዐፈርድን ሳብታ ዉቼ አምንተናር ዋ አርደዳንዳ ክትካ ማቸንካንታ ዐድን ጉርሞንካ ሳብታ ቦንቸን ካሰሞድባብ ዋንታ ማትንተንካ ጋይርዶቴ።

3 ኮካ ዐክ ማታክናና ማጠና ዳንዳእንሞ ዋካንታ ዐፍሰዝድንደትሞ ዋ ኤዘድንካንታ ዋንታ ማጠንታ ዋረረ ጋይርዶቴ።

4 ኬዛር ማቼ ማጠናር ዳንዳእንሞ ዳንዳእናርከረ ጸጨንካ ዳቅንተን፣ ዳቅንተናርከረ ዐድን ጉርሞና ዐፈርዴ።

5 ዋካንታ አምሞሳን እያን ጭልንካ ሳብታ ሶልመና ዋንታ ቡዳር ጮጫንካ ጉርሞና ዋሞ ኦሰንሳዬ።

6 ጋፍሰባብ ማትሶ ዋ ደቅድንካ ሳብ ማታ ጋይሳን ሰጨንካ ክርሰቶሰ ጎመንባብከሰካንታ ደእሴ።

7 ጭል ኤታ ካርያር ማትሶ ደእድ ኤድሞ ዐፍና አንድር ማጤ፣ ኮትኮግንደረ ላቅሞ ኤታ ካርያር ደእካንታ ማድባብና ዐረንግርካ ዐፈርዳ ማተረ።

8 ኬዛር ማቼ ዋታ ጎማባብ ማትሶ ዋ ደቅድንካ ክርሰቶሰ ዋንታ ካርያር ደእቴ፣ ኮነረ ሳብታ ሶልመና ዋካንታ ደቅድንዳ ዐሰከካ አንድር ማትንተን ዋ ኤዘድንግንዳ ይዴ።

9 ይና ዋ ጭልሞሳንዳ የሱሰ ክርሰቶሰታ ማቀሰንካ ማቼ ሰግሰረ ሳብታ ዋጮንዘንካ ዋ አቅድንዳ ክትካኬ።

10 ዋታ ሳብታ ይምኤንባብከስ ማትሶቶ ዋ ደቅድንካ ክታ ይንቕንታ ደእንካ ሳብካ ክክን ኤድምቶቲ፥ ታ ሳብካ ክክን ዋ ኤድምሳንደታ ቡር ክታ ይንቕንታ ደቅንተንካ ሰግሶ እቅድቲ።

11 ኮነረ ዐክ ማታክናና ሳብካ ክክን ኤድመን ዋ ዐፍሳን ዋንታ ጮይሰን የሱስ ክርስቶስኅካ ሳብ ዋካንታ ይሳንደትካ ጋይርድቲ።

ደእ አዳምኅካ ሰንፓ ክርስቶስካ

12 ዋልቃ ኤድኅካ ጎማ ፍጫሙደንዘን ዐይዞ፥ ጎመታ ጎግከረ ደእ ዐይዞ፥ ኮትኮግንደረ ኤድ ሙደና ጎማ ፍክሳንካንታ ደእ ኤድ ሙደንዘን ዐይዞ፥

13 ሙሴታ ህግና እምምተርንደታ እሪ ጎማ ኮ ፍጫሙደንዘን ዐይዞ፥ ማታጋካዳት ሙሴታ ህግ ካየንደትካ ጎማ ይንታ ማታርንካ ጎማግንዳ ፋይድማይ ዐይዞ።

14 ማቼረ አዳምግንዳ ሳብታ ህግንም ሰግንተካ ጎማ ፍክሳክባብከዘን ዋራ ነጋክ ዶቆ ደእ አዳምዘንካ እምሰሶ ሙሴ የለልታ ኤድ ሙደንታዘን ዋልቃ ዐፍሴ።

ኮና አዳም ኦስ እሪ ዐይደባብ ክርስቶስታ ካምሰ ዐይዞ።

15 ኬዛር ማቼ ሳብታ ዉቺ እምንተና ኤታ ጎመንዘንካ ሰግዴ፥ ዋልቃ ኤታ ጎማኅካ በድንከሰ ደእሳንደትግንዳ ኮትኮግንደረ ሳብታ ዉቺ እምንተንኬ ክት ዋልቀን ኤድ ማቕባብ የሱስ ክርስቶስኅካ ዐፈርሳን ሳብታ ዉቺ እምንተና በድንከሰካንታ ሰጥመካ እምምቲ።

16 ኮት ኮግንደረ ሳብታ ባዛካይሳ እምንተና ተይዐዳንዳ ሳብታ ዉቺ እምንተንታ አፍና ዋልቃ ኤቕንታ ጎመና ተይዐዳን አፍንግንዳ ካፍ። ዋልቃ ኤታ ጎመንኅካ እምምሳን ፍርድና ዋጭም ተይዐዴ፥ በድ ጎመን ኅካ እምምሳን ባዛካይሳ እምንተና ጭለትቸን ተይዐዴ።

17 ዋልቃ ኤታ ጎማኅካ ደእ ኤድ ሙደንዘን ዋልቃ ኮት ዐፍሴ፥ ሳብታ ሰጣን ዉቺ እምንተንኬ ባዛካይሳ እምንተን ተይሰኮ ጭልምሰባከስ ሙደና ዋልቃ ኤድ ማቕባብ የሱስ ክርስቶስኅካ፥ ጋምንተካ ሰንፔካ ደቅተረኬ።

18 ይና ዋልቃባብ አዳመታ ጎመና ዋጭንታ ፍርድን ኤድ ሙደንዘን ተይዐዳን ግንዳ ኮትኮግንደረ ዋልቃባብ የሱስ ክርስቶስታ ጭለትቸ ፍክሰና በድንከሰም ዋጭናርንካ ባዛካይሳ ማሰሶ ሰንፔንም እምዴ።

19 አዳመታ ክትምክሳ ነግነተነካ በድንከሰ ጎማባብ ማቻነግንዳ ኮትኮግነደረ ክርስቶስታ ክትምን ጎካ በድንከሰ ጭልምደኬ።

20 ሙሴታ ህግነታ ሀድንተንካ ባች በጄ፥ ኬዛር ማቼ ጎማ በጃንደትከካ ሳብታ ወቺ እምነተና ሰግሶ በጄ።

21 ኮነረ ማቻንዳ ደእነጎካ ጎመና ባንችምሳንግንዳ ሙደነረ ኮትግንዳ ዋንታ ጮይሰን የሱሰ ክርስቶስጎካ ሰለንክንደታ ደቅንት ሀፈርድንግንዳ ሳብታ ወቺ እምነተና ጭለትቼን እምነተካ ባንችምዴ።

6

ጎመዘንካ ፋሰምሶ ክርስቶስካ ክክን ዶቅ

1 ይና ሀፈንት ጋይዳ? ሳብታ ወቺ እምነተና በድንግንዳ ጎመካ ዳቅሶ ደቅተሮቶ?

2 ኩን ካዬ! ዋታ ደእዘንካ ፋሰመርድንደትከካ ጎመዘንካ ፋሰምሰባብ ማትሶ ደቅዶቶ ሀሰግንዶንት ጎመካ ዳቅሶ ደቅዳ?

3 የሱሰ ክርስቶስካ ክክን ዋልቃ ማትካንታ ዋታ ሰኤርሰባብከሰ ሙደና ክታ ደእነመረ ክትግንዳ ተይድባብ ማትካንታ ዋንታ ሰእርንም ኤሳየቴ?

4 ሰእርንካ ክርስቶስካ ክክን ዋ ዱከርሳን ሀይካ ክታ ደእነም ክትግንዳ ተይድባብ ማቶቴ፥ ኮካንታ ክርስቶስ ሳብ ባቤንታ ቦንቸካ ደእናርንካ እምሳንደት ግንዳ ዋተረ ክላ ደቅንት ደቅተሮቴ።

5 ክርስቶስታ ደእነካ ክትካ ክክን ኮግንዳ ዋልቃ ዋ ማቼ ኮትኮግንዳ ክታ ደእናርንካ እምነተንካ ክትካ ክክን ዋልቃ ማደቴ።

6 ጎማ ፍግዝድን ዋንታ እዘና ሀልእተርንግንደክ ጎመታ አይላ ዋንታ ማትነተና ነግድንግንዳ ጎማ ፍግዝድን እዘን ክርስቶስካ ክክን ርከርሳንደትም ዋታ ኤዝዶቴ።

7 ደእሳን ኤድ ጎማካንታ ቆልማዬ።

8 ይና ክርስቶስካ ክክን ዋ ደእሴ ክትካ ክክን ሰንፔካ ዋ ደቅድንደትም እማንደቴ፥

9 ክርስቶስ ደእናርንካ እምሳንካንታ እናካርንካ ክት ደእይንደትምኬ ደእነረ ክታዘን ዋልቃ ካየንደትም ኤዝዶቴ።

10 ክት ደእሳንደትካ ጎማ ክተዘን ዋልቃ ዶቃይንግንዳ ካርንካ ጉጅምዳክንጎግካ ዋልቃዴት ኖ ደእቲ፥ ታየረ ሰንፔካ ኖ ዶቅድዮ ሳብካንታ ዶቅዴ።

11 ይና ደእ ኤድም ፋዝድንደትከካ ጎመዘንካ የታ ፋሰምተቲ። የሱሰ ክርሰቶሰጎካ ማቼ ሳብካንታ ሰንፔካ የ ዶቅድንደትም ገቅርከቲ።

12 ኮካንታ ደእድን የንታ ዘነንዘን ጎመታ ዋልቃ ዶቅድንግንደኬ ዋሄታ አንግርን ካንተረ ቆልምድንግንዳ የም ይሳባብ ሰክሰት ዐይ እመቲ።

13 ኮትኮግንደረ የንታ ዘነንታ ሱከንከሰም ባችታ ፍክሰ ር ማሰሰቶ ዐይ ገችሰቲ፥ ኬዛር ማቼ ደእያርንካ እምሴቶ ሰለንካ ዶቅድባብ የ ማቻንግንዳ ማሰሰቶ የንታ ማተን ሳብካንታ እምከቲ፥ የንታ ዘነንታ ሱከንከሰመረ ሙዳ ጭለትቼንታ ፍክሰ ሪ ማሰሰቶ ሳብካንታ ገችሰከቲ።

14 ታ የ ዶቅድንዳ ሳብታ ዉቼ እምንተንታ ጎያረት ዳት ሙሴታ ህግታ ጎያር የ ማታክንካንታ ጎማ የም ዐይ ቆላ።

ጭለትቼንታ ፍክሰንባብ ማት

15 ይና ዐይፎንት ጋይቲ፥ ሙሴታ ህግንታ ጎይናር ዋንታ ማትና ነግሶ ሳብታ ዉቼ እምንተንታ ጎያር ዋ ማቻንካንታ ጎማ ዋ ፍክሳ ጋይንትዮ? ቦድሶ ኩን ካዬ!

16 ዋልቃ ኤድካንታ ፍክሰባብ ማትሰቶ ክትምካንታ የንታ ማተንም የ ግግዝድንካ ክትኮ የ ክትምድን ኤችንካንታ ፍክሰባብ የንታ ማትንተን ኤዘደቲ፥ ኮትኮግንደረ ጎማካንታ የ ክትምዴ ደእም የንዘን ተይ ዐይፎን ጎመታ ፍክሰባብ ማደቲ፥ ሳብካንታ የ ክትምዴ ጭለትቼንም ዐይፍተረቲ።

17 የታ እሪምሰቶ ጎመታ አይላ ዐቀቲ፥ ታ ማቼ የተያን ኤሰሰንካንታ ቡዳርንካ የንታ ክትምንካ ሳብካንታ ጋለትና ማታ።

18 ጎመታ አይላርንካ ዉቼ ዉትሰቶ ጭለትቼንታ ፍክሰንባብከሰ ማተቲ።

19 እታ ኮግንዳ ኤድን አርድን አፈካ እ ኬዘድንደና የንታ ገቅርንታ ጋፍንዘንካ እምሳንዴ። እርምሰቶ የንታ ዘነንታ ሱከንከሰም ቲተኬ ባችታ ፍክሰባብ ማሰሰቶ የ ግግሳንደትግንዳ ሙዳ ኮትኮግንደረ ታ የንታ ዘነንታ ሱከንከሰ ሳብካንታ ፋሰምሳንዳ ማድንግንዳ ጭለትቼንታ ፍክሰባብ ማሰሰቶ እምከቲ።

20 ጎመታ አይላ ማትሰቶ የ ዐቃንደትካ ጭለትቼን ፍክሰካንታ ዐረነረ የም ኤሰማይ ዐቁ።

21 ይና ኤና ኮታይካ ዐረንት መይድር ዐፍሳሬ? ታ የም ኦሰንዝድን ሪዘንካ አብ ዐረነረ መይድር ዐፋከቱ፥ ኮትኮ ሪንተረ በእንተና ደእዬ።

22 ታ ማቼ ጎመታ አይላትቻርንካ ወቹ ወትሰቶ ሳብታ ፍግዝድባብከሰ የንታ ማትንተካ ሳብካንታ ፋሰምሰባብ ማደቱ፥ ሳብካንታ ፋሰምንተረ በእንተና ሰለንክንደታ ዶቅንትዬ።

23 ጎመዘንካ ዐፈርድን ናክና ደእዬ፥ ሳብዘንካ እምምድን እምንተና ማቼ ዋንታ ጮይሰን የሱሰ ክርሰቶሰንካ ዐፈርድንዳ ሰለንክንደታ ዶቅንትዬ።

7

ህግንታ ዘክነንዘንካ ወቹ ማትንሳካ

1 እሰታ እሰመንከሰኬ ምቕንነከሶ! ኮም የታ ኤሳየቱ? እከዝድንደና ህግም ኤዝድባብከሰካንቱ፥ ህግ ኤድዘን ገቻታ ኤራ ዶቅድንደና ኤድ ሰንፔካ ዶቅድንካ ዐክዬ

2 ካምሰካንታ፥ ይእሳን ኤተና ኮታ ክእሰና ሰንፔካ ክት ዶቅድን የለልታ ክትካ ክክን ህግካ ናዘክምሳንደ፥ ኮታ ክእሰና ደእሳን ማቼ ይ ዘክምሳን ሙሴታ ህግንዘንካ ና ቡልምቱ።

3 ኮካንታ ክእሰና ሰንፔካ ዶቅድንካ አብ አጎና ኤር ኮት ይእሴ በልምንእንዳ ና ጋይምዴ። ኮታ ክእሰና ደእሳንማቼ ክትካ ክክን ይ ዘክምሳን ህግንዘንካ ና ቡልምቱ፥ አብ አጎና ኤር ኮት ይእሴረ በልምንእንዳ ና ማታዬ።

4 እሰታ እሰመንከሰኬ ምቕንነከሶ የንተረ ይተና ኮትኮግንዴ፥ የታ ክርሰቶሰታ ዘንንታ ሱካ የ ማቻን ጎካ ደእካ ፋሰመርድንደትከካ ህግዘንካ ፋሰምተቱ፥ ኮካንታ ሳብታ ፍክሰካንታ እፍ ዋ ኤዝድንግንዳ ደእናርንካ እምሰባብ ክርሰቶሰታ ኮቕንከሰ ማተቱ።

5 ኤታ ገቅርካ ዋ ኦንግድ ዐቃንደት ዐይካ ህግንዘንካ እምድን ዳቅል አንግርና ደእታ እፍ ዋ ኤሰተርንግንዳ ዋንታ ዘንንታ ሱከንከሳር ፍግዝድ ዐቁ።

6 ታ ማቼ ዋም ዘክሶ ዐቃን ህግንዘንካ ደእዘንካ ፋሰምከካ ዋ ፋሰምሳን ካንታ ህግንታ ዘክነናርንካ ቡልምቶቱ፥ ኮካንታ ዋ ፍግዝድንዳ ክላ ኢያንንታ ክተንካ ዳቲ እርምሶ ጸፍምሳን ገሳ ሙሴታ ህግንታ ክተንካ ካዬ።

ሙሴታ ህግንኬ ጎመካ

⁷ ይና ሀይሎች ጋይዳ? ሙሴታ ህግና ይንታ ማታርንካ ጎሞ? ኩን ካይ! ኬዛር ማቼ ጎማ ሀይ ኮት ማቼረ እ ኤዘድንግንዳ እም ይሳንዳ ሙሴታ ህግዬ። ሙሴታ ህግና “ሀይ እንገሬ” ጋያክናና እንግር ሀይናንከረ እታ ኤዘዳክት ደቆ።

⁸ ጎማ ሙሴታ ህግንዘንካ ሀይን ክተንካ ካሪ ሀይሶ እንግርንም ሙዳ እ እንገርድን ግንዳ ይሴ። ሙሴታ ህግ ካያ ማቼ ጎማ ደእሳንዴ።

⁹ ኤና እሪ ሙሴታ ህግ ካየንደትሀይካ እታ ሰንፔካ ደቅድ ሀይቃቱ፥ ሙሴታ ህግንታ ክተና ሀይንደትካ ማቼ እ ደእሰንካ ጎማ ካሪ ሀይሴ።

¹⁰ ሰንፓ ካንተረ እምምሳንዳ ሙሴታ ህግንታ ክተና እሰታዘን ደእንም ተይሀይዴ።

¹¹ ጎማ ሙሴታ ህግንታ ክተንም ጎግ ማሰሶ እም ገሰሴ፥ ኮትኮ ክተንታ ጎግንከረ እም ደይሴ።

¹² ኮካንታ ሙሴታ ህግና ጎመዘንካ ፋሰምሳንዴ፥ ክተንከሰረ ፋሰምሳንደትኬ ደፈን ና ኡርሜ።

¹³ ይና፥ ኮና ኡርማ ማቻን ሪና እካንታ ደእንም ተይሀይዳ ጋይንትዮ? ኩን ካይ! ኬዛር ማቼ ጎማ፥ ጎማ ማትሶ ሀይረድን ግንዳ ኡርማ ሪይንካ ደእንም እዘን ተይ ሀይዴ፥ ኮነረ ማቻንዳ ጎማ ክተንካን እንድንካ ጎማ ማቼ።

ኤታ ዋር ደቅድንዳ ጎመታ ጉሪ

¹⁴ ሙሴታ ህግና አያናርንካ ማትንተንም ኤዘደቱ። እታ ማቼ ጎመታ አይላ ማትካንታ ሰንምሰባብ ዋሄክንባብቲ

¹⁵ እታ እ ይድንደትም ኤዘዳክቲ እ ሶልምድንደትም ሪን ይይን ዛቅሰቶ እ ቦዘድንደትም ርይም ይድቱ።

¹⁶ ይና እ ይድንዳ እ ዝግዳክን ሪም ማቼ ሙሴታ ህግና ኡርማ ሪ ማትንተንም ማርከርድቱ።

¹⁷ እ ይዘግዳክንደት ርይም እ ይድንዳ እሰታ ዋር ደቅድን ጎመና ዳት እታ ካይቲ

¹⁸ እንካ እነረ እሰታ ዋሄታ እዘንካ ሀይሰነረ ኡርማ ሪካየንደትም ኤዘደቱ፥ ኡርማ ርይን ይይንታ ካንታ ዝግመት እሰታ ደቅሰንከረ ዋራ ኮትኮ ኡርማ ርይን ይይካንታ ማድባብ ካይቲ።

19 እ ታ ይይያደቅድንደና ይይካንታ እ ዝግድንደትሞ ኡርማ ሪይንሞ ይያቲ፡ ኬዛር ማቼ እ ዝግዳክንደትሞ ዳቅል ርይም ይድቲ።

20 ይካንታ እ ዝግዳክንደትሞ ዳቅል ርይም እ ይድንዳ ማቼ ኮሞ ይድንዳ እስታ ዋር ዶቅድንዳ ጎመና ዳት እታ ካይቲ።

21 ኮካንታ ህግ ፍክሰዘን **ዐቅንደትሞ** ሰድቲ ኡርማ ርይን ይይካንታ እ ዝግድንካ ዳቅልሬ እ ይያባብ እም ገቀርሰዚዴ።

22 እስታ ዋርንዳ ሳብታ ህግንካ ጉርሞዴ።

23 ማታጋካ ዳት እስታ ማክቼናር ህግንካ ክክን ይምኤረርቶ እስታ ዘነንታ ሱከንከስታ ዋር ፍግዝድን ጎመንታ ህግና ዘከርሰባብ እም ማዝድንደትሞ ኡብ ህግ እስታ ዘነንታ ሱከናር ዶቅድንደትሞ ሰድቲ።

24 እታ **ዐረከካ** መይዳክን ኤደረ! ኮ ደእድን ዘነንዘንካ **ዐይ** እም አቅዝዳ?

25 ዋንታ ጮይሰን የሱሰ ክርሰቶሰካ እም አቅዝድን ሳብንካንታ ጋለት ማታ! ይና እታ እስታ ማክቼንካ፡ ሳብታ ህግንታ ቆልሞድባብ እ ማድንካ እስታ ዋሄንታ እዘንካ ጎመታ ህግንካ ቆልሞድባብ ማትቲ።

8

እያንተኬ ዋሄንተካ ዶቅንት

1 ኮካንታ የሱሰ ክርሰቶሰካ ዶቅድባብኬዘን ታ ከታዘን ኡርክ ካዬ።

2 የሱሰ ክርሰቶሰካ **ዐፈርድንደትሞ** ሰንፓ እምድን እያን ጭልንታ ህግና ጎመታርንኬ ደእታ ህግናርንካ ዉቺ ዋሞ ዉቶቲ።

3 ኤድ ጎማባብ ማትንተታ እዘንታ ጋፍንተንዘንካ እምሳንዳ፡ ሙሴታ ህግና ይይካንታ ማታክንደትሞ ሳብ ይቲ፡ ይንታ ገታ ይንቶንመረ ጎመክንባብ ኤታ ካምሰካ ጎማጎካ ኦይትሶ ክታ ዋሄንካ ጎመንም ፍርደካ **ዐልእሴ።**

4 ኮመረ ክት ይሳንደና ዋሄታ ጋይተካ ማታክናና እያንታ ጋይተንካ ዋ ኦንግድባብ ዋንካ ዶፈንን ሙሴታ ህግንታ ክተና ቦድሞድን ግንዴ

5 ኤታ ጎማ ፍግዝድን ዋሄንታ ጋይተካ ዶቅድባብከስ ኤታ ጎማ ፍግዝድን ዋሄንታ ገቅርን፡ እያንታ ጋይተንካ ዶቅድባብ ማቼ እያንታ ርይን ገቅርደኬ።

6 ኤታ ጎማ ፍግዝድን ዋሄትንደትም ገቅርና ደእም ተይዐዬ፥ እያንትንደትም ገቅርና ማቼ ሰንፔንምኬ ሳራትቸን እምዴ።

7 ኤታ ጎማ ፍግዝድን ዋሄትንደትም ገቅርድባብ ኤድ ሳብታ ህግንካንታ ክትማይን ካንተኬ ክትምካንተረ ማታይንካንታ ሳብካ ይምኤርድባቤ።

8 ኤታ ጎማ ፍግዝድን ዋሄንታ ገቅርንካንታ ቆልምድባብከሰ ሳብም ጉርምሰካንታ ማታየኬ።

9 የታ ማቼ ሳብታ እያን የንታዋር ዶቅድንዳ ማቼ እያንታ ገቅርካ ዳት ኤታ ጎማ ፍግዝድን ዋሄንታ ገቅርካ ዶቃየቲ፥ ክርሰቶሰታ እያን ካየንባብ ኤታ ክርሰቶሰታ ኖ ኮች ካዬ።

10 ክርሰቶሰ የንታዋር ማቼ ዐረሰረ ዋራ የንታ ዋሄና ጎመንጎካ ደእድንዳ ማቼ ሳብ የም ጭልሳንካንታ የንታ እያንና ሰንፔኬ።

11 የሱሰም ደእያርንካ እምሰባብ ሳብታ እያንና የንታዋር ዶቅሴ የሱሰ ክርሰቶሰም ደእያርንካ እምሰባብ፥ የንታዋር ዶቅድን እያንንጎካ የንታ ደእድን ኤደትቼንካንታ ጮይሰ ሰንፔን እምዴ።

12 ኮካንታ እሰታ እሰመንከሰኬ ምቕንንክሶ! ዋ ዶቅድን ዶቅንትንካ ነገዳክንዳ ባዛ ዋንዘን ዶቅዴ፥ ኬዛር ማቼ ኮና ዋንዘን ነገዳክን ባዘና ኤታ ጎማ ፍግዝድን ዋሄንታ ገቅርግንዳ ዶቅካንታ ካዬ።

13 ኤታ ጎማ ፍግዝድን ዋሄንታ ገቅርካ የ ዶቅሴ ደእደቲ፥ ኬዛር ማቼ፥ እያንጭልንታ ዋልቀካ የንታ ጎማ ፍግዝድን ዋሄንታ ፍክሰን የ ደይሴ ሰንፔካ ዶቅተረቲ።

14 ሳብታ እያንካ ጎርሰምድባብ ሙደና ሳብታ ይንቕኬ።

15 ኮካንታ “ባቦ! ዋንታ ባቤኖ!” ጋይሰቶ የ ኤልድንድትም ክታ ይንቕ የ ማድንደታ እያን ተየት ዳት ጳሰካ ዶቅካንታ እናካርንካ እይላትቸታ እያንን ተያከቲ።

16 ሳብታ እያን ዋንታ እያንንካ ክክን ማትሶ ሳብታ ይንቕ ዋንታ ማትንትን ዋካንታ ማርከርዴ።

17 ይና ሳብታ ይንቕ ዋ ማቼ ክት ዋካንታ ግክሳንደትም ተይድባቦቲ፥ ክርሰቶሰከረ ክክን ተይዶቲ፥ ታ ክርሰቶሰታ ማጠን ተይድባብ ዋ ማቼ ኮታ ቡር ክታ ቦንቼን ካሰምድባቦቲ።

ዐድንዳ ቦንቼና

8:11 1 ቆሮ. 3:16።

8:15 ማር. 14:36፤ ገላ. 4:6።

8:17 ገላ.

4:5-7።

18 ታ ዋንታ ማጠና ኦስ እሪ ዋካንታ መያ ማድን ቦንቹንካ ክክን ዋ የርግዘደ ዐራ ርይከረ የካ ማትካንታ ማታይንደትም ፋይድቴ።

19 ፍዝር ሙዳ ሳብታ ይንቹንከስታ መያ ማትን እንድር ሱነካ ካርዘደኬ።

20 ፍዝር ሙዳ ወቹኩን ማድንግንዳ ፋረድምቴ፤ ኮነረ ይንታ ማታ እንግርካ ማታክና ጉርምካ ካርዘድንግንዳ ይሳን ሳብታ ጋይተንኬ።

21 ጉርምነረ ፍዝርና ይንታ ማታርንካ ካይንተታ አይላትቻርንካ ወቹ ወትሶ ሳብታ ይንቹንከስካ ክክን ወቹ ማትንተተኬ ቦንቹን ካስምድባብ ማድንደት ግንዴ።

22 ፍዝር ሙድና ዋልቀዘን ታካ የለልታ እቺርታ ማጣ የጅንካ አትርዘን ደቅድንደትም ዋታ ኤዘድቴ።

23 ኬዛር ማቹ አትርዘን ደቅድን ፍዝርና ዐክ ካዬ፤ እርንደትም አያን ጭልንታ ወቹ እምንተን ዋታ ተይባብ ከስ ዋተረ ዋንታ ዘነንታ ናክ ማቹባብ ሳብታ ይንቹ ማትንተን ዐድን ጉርምካ ካርስሮቶ ዋንታ ዋር ዘነካ አትርዘን ደቅድቴ።

24 ዋ አቃንደና ኮት ኮ ዐድን ጉርምንኬ። ኬዛር ማቹ ዐድን ጉርምን ዋ ይድን ርና ሰድምድንደትም ማቹ ዐድን ጉርም ማትና ነገዴ፤ ሰድምድንደትም ዐይ ጉርም ይዳ?

25 ዋ ሰዳክን ርም ጉርም ዋ ይሳን ማቹ ዳንዳእካ ካርዘድቴ።

26 ኮት ኮግንደረ ዐስግንዳ ምክስ ዋም ዝግዘዳ ናከረ ዋ ኤዘዳክንካንታ አያን ጭልና ዋንታ ጋፍንካ ዋም አላ አልዴ፤ ኬዘካ መያ ማዳክንደት አትርካ ዋካንታ ጋልትምዴ።

27 ኤታ ቡደን ኤዘድባብ ጮይሰና አያን ጭልንታ ገቅርና ዐራ ኮት ማቸረ ኤዘዴ። አያን ጭልና አመንድባብከስካንታ ጋልትምድንዳ ሳብታ ጋይተንግንዴ።

28 ሳብም ሶልምድባብከስካንተኬ ክታ ጋይተን ግንደረ ኤልምስባብ ኤድንከስካንታ ሳብ ሙዳ ርን ኡርመን ከትካንታ ይድንደትም ኤዘድቴ።

29 ኮነረ ማቻንደታ ጎግና እርምሶ ክት ኤስባብከስ ይንቹንም ኬት ካምድንግንደኬ ይንቹነረ በድ እስምንከስታ ዋክያርንካ ባይራ ማድንግንዳ ሳብ እርምሶ ማታ ጋይሳንካንቴ።

30 እርምሶ ይ ማታ ጋይሰባብከስም ኬትም ኤልሴ ይ ኤልሰባብከስመረ ጭልሴ ይ ጭልሰባብከስመረ ቦንቹሴ።

ክርስቶስ ዋነኛ ማትንተንካ መያ ማቻንዳ ሳብታ ሶልማ

31 ይና ኮርንካንታ ዐሮንታ ጋይዳ? ሳብ ዋንካ ክክን ማቼ ዐይዎ ዋም ግርዳ?

32 ሳብ ይንታ ይንቶ ዋልቀንካንታ አጨራክ ዶቅሶ ዋካንታ ሰክሰት ክት እምሳንካ ዐሰግንዳ ይንታ ይንቶንካ ክክን ሙዳ ርም ዉቹ ዋካንታ እማይንዳ?

33 ሳብ እጅባብከሰም ዐይ ካሴዝዳ? ኬትም ጭልዝድባብ ሳብ ኖዬ።

34 ዐይፊ ፋረድባብ? የሱስ ክርስቶስ ኬታዘን ፋረድ? ኖ ዋካንታ ደእሰባብ፡ ደእያርንካ እምሶ ሳብ ባቤንታ ምዝዘን ዶቅሰባብ ዋካንታ ጋልትምድባቤ።

35 ክርስቶስታ ሶልመንዘንካ ዋም ፋሰካንታ ማድባብ ዐይፊ? ዘር እነረ ማጦ? ዳይርዮ፡ እነረ ዳቅዮ? እነረ ዘና ጫለንካ ማቶ፡ እነረ፡ ደእካንታ የልዝድንዶ? እነረ ማሶ?

36 ኮነረ፡
“የሰጎካ ሰጫ ሙዳዐይካ በድ ርና ዋም ደይዝዴ፡
ማቶምድን ቆልንከሰ ግንደረ ፋይድምሶቲ”

ጋይምሶ ጸፍምሳን ግንዴ።

37 ይና ዋም ሶልምሰባብ ክርስቶስካ ከና ሪንከሰም ሙዳ ጋምንተካ ጋምድባብከዘንካ ሰግዶቴ።

38 ኮካንታ ደእ ማቼረ ሰንፓ ማቼረ ክታይንቶ ማቼረ፡ ገችንባብከሰ ማቼረ ታ ዶቅድንዳ ማቼረ ቡር ዐድንዳ ማቼረ እንድርንከሰ ማቼረ፡

39 ጨክን ጋይንታ ማችንከረ ይርክን ጋይንታ ማቼረ ዐግንረ ፍዝር ማችንከረ ዋንታ ጮይሰን የሱስ ክርስቶስካ ዋ ዐፍሳን ሳብታ ሶልመንዘንካ ፋሰካንታ ማድንዳ ዐረርየረ ካየንደትም ገታ ኤዝድቴ።

9

ሳብ እስራኤል ዋርሰንም እድና

1 ክርስቶስካ ዶፍንን ኬዝድቴ፡ ማልዳክቴ፡ እያን ጭልንካ ጎርሰምድንደና እሰታ ገቀርንረ እ ማልዳክንድትም ማርከርዴ።

2 እንድር ሞርእኬ ነገዳክንዳ ማጣ እሰታ ቡዳር ዶቅዴ፡

3 ዋሄካ እስታ ሱሳ ማችባብ እስታ ገርነንከሰካንታ ጋየርቶ እታ ክርስቶዘንካ ፋስምስቶ ሳብታ ባድና እዘን የልደረ ሶልምድት ደቆ።

4 ከታ እስራኤልን ከሰኬ፥ ሳበረ ከትም ይንታ ይንች ማሰሴ፥ ይንታ ቦንቹንም ከትካንታ መያ ማሰሴ፥ ጫቀረ ኬትካንታ እርደዴ፥ ሳብ ህገረ ኬትካንታ እምቲ፥ ሳብታ ጭል ኤሄንታ ጎይንንታ ዋገን ከትካንታ ሰችሴ፥ ጉርም ቃለን ከትካንታ እምሴ።

5 ኬታ ይንታ አጥርንካ ኤና እሪ ባቤንከዘንካ ዐድባብ ከሰኬ፥ ክርስቶስረ ዋሄካ ክት ዐጻንጻ ከታ ሱስናርንኬ፥ ኖ ኬት ሙደንዘንካ ሰግዬ፥ ሰለንክንደተረ እንጅምሰባብ ጮይሰዬ፥ አምንኤ!

6 ማታጋካ ዳት ሳብታ ቃለና ኦክምቲ ጋይንት ካዬ፥ እስረልንከሰታ ሱሳ ሙደና ዶፈን እስራልንከሰ ካየኬ።

7 ኮት ኮግንደረ አብራሀመታ ሱሳ ሙደና አብራሀመታ ይንቸኬ ጋይንት ካዬ። ሳብ አብራሀመም “ሱሳ የሰካንታ አጥምድንዳ ይሳቀኬ” ክትካንታ ጋይሳንካንቲ፥

8 ኮካንታ ዋሄካ አጠርምሰባብከሰ ሳብታ ይንቹ ካየኬ ኬዛርካ ማቹ ሱሳ ማትሶ ፋይድምድባብከሰ ዐድን ጉርም ቃለንታ ይንችንከሰ ዐከኬ።

9 ኮነረ ሳብ አምሳን ጉርም ቃለና “ታይን ለእ ሰላ ኮዘን ዐድቲ፥ ሳረረ አግና ይንችና አእተሬ” ጋይድንዳ ዐቁ።

10 ኮነረ ዐክ ማታክናና ራብቃ ኤና እሪ አጥርምሰባብ ዋንታ ባቤን ማችባብ ይሳቀዘንካ መንቲ ይንችንከሰም ኮት ሰርሳንደትካ፥

11 ሳብታ እድና ፍክሰካ ማታክናና ኤልንተካ ማትን መያ ማሰካንታ ቃስተን ይንችንከሰ አጠርተርንደትኬ ዳቅልነረ ማታ ኡርመን ኬት ይተርንደታ እርምሶ

12 ሳብ ራብቀም “ባይረና ይንታ ካንሰንካንታ ቆልምድባብ ማተረ” ኮትካንታ ጋይሴ።

13 ኮነረ “ያይቆበም ሶልምሳቲ ኤሳውም ማቹ ይዘንሳተ” ጋይምሶ ጸፍምሳን ግንዴ።

14 ይና ዐፎንት ጋይቲ? ሳብ ኤታ ባለንካንታ ኦሰንደ ጋይንትዮ? ሳብ ኤታ ባለካንታ ቦድሶ ኦሰናዬ!

15 ሳብ ሙሴም “እታ እጭርካንታ እ ዝግድባብም እጨርድቴ፥ እ ሶልማካንታ ዝግድባብም ሶልምድቴ” ጋይቴ።

16 ኮካንታ ሳብታ እድና ዐፈርድጉዳ ኤታ ጋይተኬ ኤታ ፍክሰካ ማታክናና ሳብታ እጭርካኬ።

17 ኮት ጎካ ጭል ማጻፍናር ግብጽ ፍጨነታ ባንቕንካንታ “የሰካ እሰታ ዋልቀን ሰቕካንተኬ እሰታ ላምነረ ኮ ፍጫሙደንዘን ኤሰምድንግንዳ ይካንታ የሰም ባንቕምስትቴ” ጋይድንዳ ቃላ ጸፍምቴ።

18 ኮካንታ ሳብ ይዝግድባብም እጨርዳ ይዝግዳክባብመረ ጉልማባብ ክትም ማዝዴ።

ሳብታ ዋጭንኬ ክታ እጭርካካ

19 ኮካንታ “ሳብታ ጋይተን ግርካንታ ዐየሰነረ ማታዬ፥ ይና ኖ ኤድንከሰም ከታ ዳቅል ፍክሰካካ ዐረትክ ይነኤርዳ” ጋይሳዮ እም ኦይዝዳይ ማተራዬ።

20 የና ኤቕሮ! ሳብካ ክክን በርምካንታ ዐራ የሰታ ሽኒ ዶቅዳ? ድግድ ሪይና ኤርዝድባብም “ዐረተስ ኩን ይይሶ እም ኤርሳሬ?” ጋይካንታ ማዶ?

21 ድግድ ር ኤርዝድባብ ዋልቃ ካምድን ፍጨዘንካ ዋልቀን ቦንቻካንታ፥ ኣብን መይዳክን ፍክሰካንታ ማሰሶ ፍክሰካንታ ክታ እብላ ካዮ?

22 ሳብ ይንታ ዋጭንም ሰቕካንተኬ ይንታ ዋልቀንም መይምስካንታ ዝግሶ ካይካንታ ግግምሰባብከሰም በድዐይካ ኬትም ዳንዳእታናንከረ ዐረስ የና ኤዝዳ?

23 ኮመረ ክት ይሳንደና እርምሶ ቦንቻካንታ ይ ግክሳን ይ እጨርሰባብከሰካንታ ይንታ ቦንቹንታ በድምን ሰቕካንታ።

24 ክታ እጭርና እይሁድንከሰም ዐክ ማታክናና እይሁድ ማታክባብከሳርከረ ዋም ኤልቴ።

25 ኮነረ ሳብዘንካ ኤሰርሶ ኬዝድባብ ሆሳዕካ፥

“እሰታ ዋርሳ ማታክባብከሰም ‘እሰታ ዋርሳ!’

ሶልምማክንባብከሰም ዋርሰን ‘ሶልምምሰባብ!’ ጋይሰቶ ኤልድቴ፥

26 ኬታ ‘እሰታ ዋርሳ ካየቴ’ ጋይምሳን ካርያር፥

‘ሰለንካ ደቅድባብ ሳብንታ ይንቅ ጋይምስኮ ኤልምደኬ’ ኩን ጋይምሳንግንዴ።

27 ኢሳሰረ እስራኤልንከስ ጎካ ኬዝድዮ፡ “እስራኤል ይንቅንታ ፋይደነረ ባህርናር ሻም ግንዳ በጀረ ዋራ ከታርንካ እቅድባብከስ ቶክመንከስ ዐከኬ።

28 ጮይሰ ጋምእክ ደቅሶ ሳነካ ኮ ፍጫሙደንዘን ፍርደን ፋረዴ። ኩንጋየር ይንታ ኡፍሰንም ጩክሳ ይይሶ ኬዜ።

29 ኮትኮግንደረ ኢሰያስ “ሙደንም ቆልድባብ ጮይሰና ሱሳ ክት ዋካንታ ነግሳክናና ሶዶመኬ ገሞራ ካተመንከስ ካይዳንግንዳ ዋተረ ካይዶት ዶቆ” ጋየር እርምሶ ኬዝቲ።

እስራኤልንከስታ እሜንክሳነግና

30 ይና ዐሮንት ጋይዳ ጭለትቶን ጎርሰማክባብ እይሁድማታክባብከስ ጭለትቶን ዐፍሰኬ፡ ኮነረ ጭለትቶና እመንዘንካ ዐፈርድንዴ።

31 ኬዛርካ ማቼ ጭለትቶን ዐብዝድን ሙሴታ ህግን ጎርሰምድ ዐቅባብ እስራኤልን ከስ ህግንም ቦድክሳ ከታ ነግንተንካ ጭለትቶንደር የላከኬ።

32 “ዐራ ጎከረ ከት ጭለትቶንደር ከት የላክንደና?” ጋይምሴ ከታ ጭለትቶን ዐፍካንታ ከት ዝግዛንደና እሜንካ ማታክናና ፍክሰካ ማቻንካንቲ፡ ኮካንታ ኮተርዝድን ሰይንካ ኮተርሰከ።

33 ኮነረ፡ “ኮሰቸቲ ይና ኤድንከሰም ኮተርዝድን ሰይንና ጽዮናር ዋድቲ፡ ኮነረ ሰይንና ኤድንከሰም ኮተርሰካ ዋቕዝድንዳ ላዘዬ፡ ክትካ እሜንድባብ ማቼ ኦሰናዬ” ጋይምሶ ጸፍምሳን ግንዴ።

10

1 እስታ እስመንከሰኬ ምቕንንከሶ! እስታ ቡዳር ደቅድንደና እንድር እንግርንኬ ሳብድር እ ምግዝድን ምክሰና እስራኤልንከስ እቅድንግንዴ።

2 ዶፊን ኤሰንካ ማትክሳ ነግና ዳት ኬታ ሳብካንታ እያናር ቀምሶ ደቅድንደትም እታ እስታ ማታርንካ ኬትካንታ ማርከርድቲ።

3 ሳብ ኤድንከሰም ጭልዘድንጎግን ኬታ ኤሰክሳ ነግንካ ኬታ ይንታ ማተንም ጭለትችንታጎግን ጎርሰምሰክ ዳት ሳብታ ጭለትችን ጎርሰማከኬ።

4 ኤድ ሙዳ አሜንካ ጭልምድንግንዳ ሙሴታ ህግና ክርስቶስካ ቦድምቲ።

እቅንታ ሙድንካንታ ማትና

5 ሙሴታ ህግን ጎርሰምካ ዐፈርድን ጭለትችን ጎካ ሙሴ ጸፍሳንደና “ህግን ቦድባብ ሙደና ሰንፔካ ደቅተሬ” ጋይድንዴ።

6 ሳብ ኤድንከሰም አሜንካ ጭልዘድን ጎካ ማቼ፡ ኩን ጋይምሶ ጸፍምቲ “የሰታ ቡደንካ ጭለዘን ውተርባብ ዐይሬ?” ዐይ ጋዬ፡ ኮነረ ክርስቶስም ዐንቸካንቲ።

7 እነረ የሰታ ቡዳር “ጨልጩል ጎርናር ዐይ ዐንቸርዳ” ዐይ ጋዬ፡ ኮነረ ክርስቶስም ደእያርንካ አምሰካንቲ።

8 ጉጅሰረ፡ “ሳብታ ቃለና የሰታ ባንግሬ፡ ኮግንደረ የሰታ አፈናርኬ የሰታ ቡዳሬ” ኮነረ ቃለና ዋ ከዘድንደና አሜንንታ ቃለኔ። ኩን ጋይምሶ ጸፍምቲ።

9 የሱሰ ጮይሰ ማትንተን የሰታ አፈንካ የሰ ማርከርሰኬ ሳብ ክትም ደእያርንካ አምሳንደትመረ የሰታ ቡዳርንካ የሰ አሜንሴ አቅተራዬ።

10 ኤድ ቡዳርንካ ይ አሜንሴ ጭልምዴ፡ ይንታ አፌከረ ይ ማርከርሴ አቅዴ።

11 ጭል ማጸፍናር ጸፍምሳን ግንዳ “ክትካ አሜንድባብ ሙደና ኦሰንዳክዬ”።

12 ይና ዋልቃ ጮይሰና ሙድንተረ ጮይሰ ማቻን ካንታ እይሁድ ማቸባብከሰተኬ እይሁድ ማታክባብከሰታ ዋክያር ዐረሰነረ ፋሰም ካዬ፡ ኖ ጮይሰረ ምግዝድባብ ሙድንካንታ እንጀንም በችሶ እምዴ።

13 “ጮይሰታ ላምን ኤልድባብ ሙደና አቅዴ” ጋይምቲ።

14 ኬዛር ማቼ ክትካ አመናክደቆ ዐሰግንድክ ክትም ኤልካንታ ማዳ? ክትጎካ ኤሰራክ ደቀኮ ዐሰግንድክ አመንዳ? ሳባግድባብ ካያናና ኬታ ዐሰግንድክ ኤሰርካንታ ማዳ?

15 ሳባግድባብከሰ ኦይትማክንዳ ማቼ ቃለንም ዐሰግንድክ ሳባክካንታ፡ ማዳ? ኮነረ “ኡርማ ክላ ኬዘንም

ከዝድባብከሰታ ዐድንተና ዐስግንዶክ ጉርሞዝዳ!” ጋይምሶ ጸፍሞሳንደትግንዴ

¹⁶ ኬዛር ማቼ ኢሰያስ፡ “ጮይሰዮ ዋ ኬዛን ቃለን ዐይ አመንሳራ፡ ጋይሶ ክት ኬዛንግንዳ ሙደነረ ክላ ኬዘንታ ቃለን አሜናከኬ።

¹⁷ ኮካንታ አሜን ዐፈርድንዳ ክላ ኬዘንሞ ኤሰርኬ፡ ክላ ከዘንተረ ቃለና ዐፈርድንዳ ክርስቶስጎካ ከዝድን ሳብታ ቃለናርንኬ።

¹⁸ ይና እ ኦይሳ፡ ኮማቼ ቃለንሞ ኤሰራክ ጋይንትዮ? ጭል ማጸፍናር፡

“ኬታ ኡፍሰና ፍጫ ሙደናር ኤሰምሴ፡

ኬታ ቃለነረ ፍጨታ ካንታ የለልታ የልሴ”

ጋይምሶ ጸፍሞሳን ግንዳ ገታ ኤሰርተኬ።

¹⁹ ጉጅሰረ እስራኤልንከሰ ቃለንሞ ኤሳከክ ጋይንትዮ? ኮና ጋይማይን ግንዳ ሙሴ እርሞሶ

“ቶቶምሳን ዋርሰንካ ቀምሰሰትቶ ኬትም ኡቅምሰዝድቴ፡

ገቀርዳክን ዋርሰከረ ከትም ዋእሰዝድቴ” ኖ ጋይቴ።

²⁰ ኢሳሰረ፡

“እም ዝጋክባብ ከሰካንታ ዐፈርሳቴ፡

ሳብ ዐብረ? ጋይሶ

እም ኦይሳክባብከሰካንተረ መያ ማቻቴ”

ጋይንተካ ካርቶካ ከሰቴ።

²¹ እስራኤልንከሰጎካ ማቼ፡ “ክትምዳክባብኬ ግርድን ዋርሰና እዝደር ዐድንግንዳ ሰጨንም ሙዳ እስታ እንንከሰም ከትካንታ ኦይቻቴ” ጋይዴ።

11

ሳብ እስራኤልንከሰም ቦድሶ ዛቃክዬ

¹ ይና ጉጅሶ እ ኦይሳ፡ ሳብ ይንታ ዋርሰን ዛቅቶ? ቦድሶ ዛቃክዬ! እታ እስታ ማታርንከረ እስራኤልቴ፡ ኡብራሀመታ ሱሳርንካ ማቶባብ ብንያመታ አጥርያርንክቴ።

² ሳብ እርሞሶ ይ እጅባብ ዋርሰንም ኖ ዛቃክዬ፡ ጭል ማጸፍና ኤላሰጎካ ዐራ ጋይሳናከረ ገቀርዳከቴ? ጉጅሰረ ኤላሰ

እስራኤልታ ዋርሰን ሳብታ እሪ ዐራ ጋይሶ ካሰሳናከረ የታ ኤሳየቱ?

3 ኮትዐይካ ኤላስ “ጮይሰዮ! ሳብዘንካ ኤሰርሶ ኬዘድባብከስም ደይሰኬ፥ ዋንታ ካሲታ ካርንም ወልእሰኬ፥ እታ ዐክ ነገድቱ እመረ ኬታ ደይሰካንታ ዝግደኬ” ጋይሴ።

4 ኬዛርካ ማቼ ሳብ ዐራ ጋይሰክ ክትካንታ ማሰሳረ? “ባእል ጋይምድን ሳብ ማታክን ካንታ ጎሰታክባብከስ ታብዛ ሳኦ ኤድ እካንታ ነግሰትቱ” ክደር ጋይቲ።

5 ታ ሰለንከሳር ማቼ፥ ሳብታ ወቹ እምንተንካ እድምሰኮ ነገድባብ ቶክም እስራኤልንከስ ደቅደኬ።

6 እድና ሳብታ ወቹ እምንተንካ ማቼ ፍክሰዘንካ ማትንተና ነገታ ጋይንትዬ፥ ፍክሰከሰናንካ ሳብታ ወቹ እምንተና መይዳክንዳ ማዳደቆ።

7 ይና አፍና ዐሮክ ማቻራ? እስራኤልንከስ ይ ዝግዛንደትም ዐፋከኬ፥ እድምሰባብከስ ማቼ ዐፍሰኬ፥ ነገድባብከስ ኬታ ይንታ ቡደን ዳቅሰኬ።

8 ኮነረ ማቻንዳ “ሳብ ከታ ቡደና ገቀርዳክን ግንዳ ይሴ ኮካንታ ታካ የለልታ ከታ ይንታ አፍንካ ሰዳየኬ፥ ከታ ይንታ ቃምንከረ ኤሰራየኬ” ጋይምሶ ጸፍምሳን ግንዴ።

9 ዳዊተረ፥ ኬት እቕምካንታ ሳንምድን ካርና የድን ጭካ፥

ባልት ኦይድንዳ ጎር ማትሶ ኬትም ማእሳ!

ከትይሳንዳ ዳቀልሰና ከታዘን ማታ!

10 ኬታ አፍና ሰዳክንግንዳ ኡማ፥

ኬታ ባዘደነረ ሙዳዐይካ ኩዛ ኖ ጋይቲ።

11 ይና፥ ካርንካ እ ኦይሳ፥ አይሁድንከስ ዋቻንዳ እና ካርንካ እምምዳክን ግንዶ? ኩን ካዬ! አይሁድንከስታ ባቕንታ ጎግካ አይሁድ ማታክባብከስ አቅንተን ዐፍሰኬ፥ ኮነረ ማቻንዳ አይሁድንከስ አይሁድ ማታክባብከስካ ኬት ይምኤርድን ግንዳ ይይካንቲ።

12 አይሁድንከስታ ባቕና ፍጫሙደንካንታ በድ አንጀን ዐፍሰሰቱ፥ ኬተረ ዋቻንተና አይሁድ ማታክባብ ከሰካንታ አንጀ ማቲ፥ አይሁድንከስ አቅተሰ ናና አንጀና በድ ማዳ ደቆ!

አይሁድ ማታክባብከስታ አቅና

13 ታ ኮዘንካ እ ኬዝድንዳ የ አይሁድ ማታክባብከሰካንቲ፥ አይሁድ ማታክባብከሰተረ ኦይትምሰባብ እ ማቻንከካ እሰታ ሳብካንታ ፍክሰካ ቦንቻ እካንታ ኤሰምዴ፥

14 ኮመረ እሰታ ይይንተና እሰታ ዋህ ሱሳ ማቼባብከሰም አይሁድንም ቀምሰሰካንታ፥ ኮ ይይተንከረ ዐረንግርካ ኬታርንካ ዋልቃ ዋልቀንከሰ አቅንታካንታ ማደኬ ጋይንተኬ፡፡

15 ሳብ አይሁድንከሰም ዛቅሳንድት ዐይካ አብ ፍጫሙደንታ ዋርሰና ክትካክክን ኤድምሰ ሳብ ይ ዛቅሰባብ ኬትም ይንደር ማዘድንዐይካ ዐራ ማድንደትሞክ የንደር ካምዳ? ኮነረ ደእያርንካ አምንታከኬ!

16 ዋልቃ ካምድን ማጠናርንካ እርንደና ሳብካንታ ፋሰምሳንዳ ማጠና ሙዳ ሳብካንታ ፋሰምሳንዳ ማዴ ኮት ኮግንደረ ዋልቃ ዐቀንታ ጫጭና ሳብካንታ ፋሰምሳንዳ ማቼ ሳቀና ሳብካንታ ፋሰምሰባብከሰ ማደኬ፡፡

17 ኬዛር ማቼ ዋይራ ዐቀንታ ሳቀንከሰ ማቼባብ አይሁድና ፋክምሶ ኬት ዋቻንካ የታ ድራር ዐቃ ዋይረንታ ሳቀንከሰ ማቼባብ አይሁድ ማታክባብከሰ ኬታ ካርያር ማትሰቶ ኬታ ቆልመንምኬ እንጀንም ካሰምድባብከሰ የማቼ፡፡

18 የታ አይሁድ ማታክባብከሰ ፋክምሶ ዋቼባብ ሳቀንከሰ ግንደና አይሁድን ኬዘን ዐይ ኦተረቲ፥ የ ኦተርሳን ማቼ የታ ሳቀና ዐክ የንታ ማትንተንካ ጫጭና የም ባልዳ ዳት የታ ጫጭንም ባልዳክባብ የንታ ማትንተንም ገቀርከቲ፡፡

19 ኬዛርንካ ማቼ “ሳቀንከሰ ቁንጭምሶ ዋቻንዳ እታ ኬታ ካርዘን እ ማድንግንዴ” የታ ጋይደት ማዴ፡፡

20 የንታ ጋይተና ገቲ፥ ኬዛር ማቼ ኬታ ፋክምሶ ከት ዋቻንዳ ኬታ አሜንክሳ ነግንተንካ ማድንካ የታ ዳቅሰቶ የ ዋእሳንዳ የንታ አሜንኬ፥ ይና ጳሰ ዝግዝዳ ዳት ኦትራ የም ዝግሳጭ፡፡

21 ሳብ ፍዝርካ ሳቀንከሰ ማቼባብ አይሁድንከሰካንታ አጨራክንዳ ማቼ የካንተረ አጨራዬ፡፡

22 ይና ሳብታ ላቅምንኬ ክታ ጋርዘንም ሰትከቲ፥ ክታ ጋርዘምና ሰቼዝድንዳ ዋቼባብኬዘን ማድንካ ይንታ ላቅምን ክት ሰቼዝድንዳ የካንቲ፥ ኮት ኮመረ ክት ይድንዳ ክትም አሜንካ ዳቅሰቶ የ ዶቅሴ፥ የ ዳቃክንዳ ማቼ የተረ ፋክምሰቶ ዋጅደቲ፡፡

23 አይሁድንከሰ አሜንክሳ ይንታ ነግንተንም ኬት ዛቅሳንዳ ማቼ ኤና ይንታ እሪ ካርናር ማደኬ፥ ሳበረ ኤና እሪ ኬታ ካርናር

ኬትም ማዘዴ።

24 የታ አይሁድማታክባብ ከሰ ማቼ የንታ ፍዝርንካ ድራር ዋይራ ዐቀንታ ሳቀን ማትሰቶ የ ዶቅድንካ የንታ ካር ካይሳ ዐጠምያር ዋይራ ዐቀንታዘን ኮርምካንታ ማተቱ፤ ኩን ማቼ ከታኬና ይንታ ፍዝርንካ ዐጠምያር ዋይራ ዐቀንታ ሳቀንከሰ ማቶባብ አይሁድና ኤና እሪ ይንታ ካርናር ማትሰኮ ዐረተረ ከት ኮርማይንዳ!

ሳብታ አጭርና ሙደንካንታ ማትና

25 እሰታ እሰመንከሰኬ ምቕንንከሶ! “ዋታ ኤዘድባብከሶቲ” ጋይሰቶ ዐይ ጋይረቲ፤ እ የም ኬዘድንዳ ዋልቃ አቶምሳን ር ዶቅዴ፤ ና ኮነረ እሰረልንከሰታ ዋይ ጋይንተና ቦጅድንዳ ማታክናና አይሁድማታክባብከሰ ሙደና ነጋክ ዶቆ ሳብደር ከት ዐተርን የለልቲ።

26 ይና ኮግንደካ እሰራኤልንከሰ ሙዳ አቅደኬ። ኮካንተረ፤ አቅሰንባብ ጽዮናርንካ ዐይዴ፤

ያይቆበተረ ሱሰን ሙደንዘንካ ዳቀልሰን ዐልእዝዴ፤

27 ኬታ ጎመንመረ ኬትካንታ እ ካይሳንደትካ

ኬትካ ክክን እ አርድንዳ ጫቀና ኮኔ። ኩንጋይምሶ ጸፍምቲ።

28 እሰራኤልንከሰ ክላ ኬዘንታ ቃለንም ኬታ ተይክሳ ነግንተንካ የጎካ አይሁድ ማታክባብከሰታ መይንጎካ ሳብካ ይምኤርድባብ ማተኬ፤ ኬዛርካ ማቼ ከታእድምንካ ኤና እሪ ባቤንከሰታ አጥርንጎካ ሳብታ ገርንከሰኬ።

29 ሳብ ይ እጃንደታ ቡርከ ይንታ ዉቕ እምንተን ይ እምሳንደታ ቡር ይ ይሳን ሪይንካ አቅማዬ።

30 የታ አይሁድ ማታክባብከሰ ኤና እሪ ሳብካንታ ክትምዳክባብ ዐቀቱ፤ ታ ማቼ አይሁድንከሰ ክትምክሳ ነግንተንጎካ የታ ሳብታ አጭሪንም ዐፍሰቱ።

31 የታ አጭሪንም የ ዐፍሳንደትካ፤ ከተረ አጭሪንም ዐብድንግንዳ ኬታ ታ ሳብካንታ ክትምዳክባብከሰ ማተኬ።

32 ሳብ ይንታ አጭሪንም ኤድ ሙደን ሰቶካንታ ጋየር ኤድንከሰ ሙዳ ኬታ ይንታ ዋይ ጋይንተንካ ዞከርሰባብ ከት ማድንግንዳ ከትም ይሴ።

ሳብካንታ እምምሳን ጎፍሰ

33 ሳብታ ቆልነተንኬ ኤጫ፡ ኤስነረ ዐለን፤ ይስነከረ የልምዳክንዴ! ክታ ፍርደነረ ገቀርምዳክንዳ፡ ክታ ጎግነረ ኤስምዳክንዴ።

34 “ጮይሰታ ገቅርን ኤዘድባብ ዐይራ?

ክትም ዘርድባብ ዐይራ?

35 ሳብ ማስት እምድንግንዳ ታልቅድባብኬ

ይ ታልቅሰንደትመረ ማስት እምድንግንዳ ኦይዘድባብ ዐይራ?”

36 ሙዳ ርና ዐፈርሳንደና ክታዘንካ፡ ክትኬ ክትካንቴ፡ ሰለንክንደትካንታ ቦንቻ ክትካንታ ማታ! አምንኤ!

12

ክርስቶሳር ዐፈርድንዳ ክላ ደቅንት

1 ይና እስታ እስመንከሰኬ ምቕንነከሶ! ሳብም ጉርምዘድን፡ ሰለንካ ማቻንደትምኬ ሳብካንታ ፋሰምሳን ካሰ ማሰሰቶ የንታ ኤደትቼን የ ግክስተርንግንዳ አጨርንባብ ሳብታ ላምንካ የም ምግዘድቴ፡ ኮነረ ግክስ የም ዝግዘድንደና ሉላ ማቻንዳ ሳብካንታ ጎይንኤ።

2 ኡርመንምኬ ጉርምዘድንደትም ቦድማ ማቻን ሳብታ ጋይተንም የ ኤስተርንግንዳ የንታ ማክቼን ኡርሰካ ሰንፔና የንታ ኦክማ ዳት ኮ ፍጫሙደንታ ዳቅል ፍክሰን ዐይካመቴ።

3 ጉጅሰረ የታ ዋልቃ ዋልቀንከሰ ሳብ የካንታ እምሳን አመንንከካ ማተን የንታ ይርክሳ ይንተካ ገቀርከት ዳት የም ዝግዘድንደትዘንካ ሰግ የንታ ማታ ካንታ ኦተረካ ዐይ ይገቀረቴ ጋይሰቶ እካንታ እመርሳን ዉች እምንተንካ የም ኬዘድቴ።

4 ዋልቃ ዋንታ ዘንንዘን በድ ሱከንከሰ ደቅደኬ፡ ዋልቃ ዋልቃ ዘንንታ ሱከንከሰ ዐክዐክ ፍክሰ ኬታ ደቅደ።

5 ኮትኮግንደረ ዋታ በድንከሰ ማትሶ ደቅደቶ ክርስቶሰካ ዋልቃ ሱኮቴ ዋልቃ ዘንታ ሱከንከሰ ዋንታ ማትንተከረ ክክ ክክ የድምቶቴ።

6 ኮካንታ ሳብ ይንታ ዉች እምንተንካ ዋካንታ ክት እምሳንደትም ዐክ ዐክ ፍክሰዘን ዐቅሰተፎቴ፡ ዋንታ

እምነተነረ ሳብታ ቤርን ኬዛ ማቼ ዋንታ አመንንከካ ሳብታ ቤርን ኬዝድቲ።

7 ዋንታ እምነተና አብንከሰካንታ ፍክሰ ኮት ማቼ ዳቅሶ ዋ ፍክሳ፣ ዋንታ እምነተና ኤሰሰ ማቼ ዋም ዝግዝድን ከካ ዋ ኤሰሳ፣

8 ዋንታ እምነተና ዘራ ኮት ማቼ ዋ ዘራ፣ ዋንታ እምነተና አብንከሰካንታ እመርድንደታ ኮት ማቼ ቡዳርንካ ዋ እማ፣ ዋንታ እምነተና ገችሰ ኮት ማቼ ዳቅንተካ ዋ ገችሳ፣ ዋንታ እምነተና አጭር ኮት ማቼ ኮትኮም ጉርምካ ይቶሮቲ።

9 ሴካ ካየንዳ ዶፈን የንታ ሶልማ የካንታ ዶቃ፣ ዳቅል ርይን ዛእከቲ፣ ኡርማ ርይም ጎርሰምከቲ።

10 ክክ ክክ እሰመንኬ ካንሰካ ግንዳ ሶልምከቲ፣ ክክ ክክ ቦንችከቲ፣

11 ጋፋከት ዶቆ ቡዳርንካ ማቻን የንታ ገታ አያናር ማትሰቶ ጮይሰካንታ ፍክሰከቲ።

12 ዐድን ጉርምንከረ የም ጉርምሳ ማጣዐይከረ ዳንዳእከቲ፣ ሙዳዐይካ ምክሰከቲ።

13 አሜንድባብ የንታ እሰመንከሰምኬ ምችነንከሰም ኬታ ማጠንካ የንታ ዶቅድንደትዘንካ ፋሰተቶ አላ አልከቲ፣ ሶች ማትሶ ዐድባብከሰመረ ሞከን ዐይባቀረቲ።

14 የም ዳይድባብከሰም እንጅከቲ፣ ከትም እንጅከት ዳት ከትም ዐይ ባደቲ።

15 ጉርምድባብ ከሰካ ክክን የም ጉርምሳ፣ ኡብድባብ ከሰካ ክክነረ ኤፍከቲ።

16 ክክ ክከረ ዋልቃ ገቅርካ ኤእሰቶ ዶእከቲ፣ የንታ ማቴን ጨክሳ ይንተዘንካ ሰግሰሶ ኦትረንም ዋይሰሰቶ ይርክን ጋይሰባብከሰካ ካየንባብከሰካ ክክን ዋልቃትችካ ዶእከቲ የታ የንታ ማታርንካ ኤዘድባቦቲ ዐይ ጋየቲ።

17 ኤድ ሙደንታ እር ኡርማ ማቻን ሪ ይከት ዳት፣ ኤድንከሰ የንዘን ዳቅልሬ ይድንካ የተረ ማሰተቶ ዳቅል ርይም ከታዘን ዐይ ይየቲ።

18 የንደር ማድንዳ ማቼ ኤድ ሙደንካ ክክን ኡርመካ ዶቅካንታ የጎካ ዝግዝድንደትም ሙዳ ይከቲ።

19 እስታ ገርነንከሶ! ዋጭመን ሳብካንታ ዛእከት ዳት የንት ዐይይ ይምኤረቲ፤ “ይምኤንም ማዘድባብኬ ይምኤንታ ካርያር ናግድባብ እትቲ ጋይዳ ጮይሰ” ጋይምሶ ጸፍምቲ።

20 ኮካንታ ይምኤን ማሰን ዛቅሳዮ የሰታ ይምኤንባብም ዳቅሴ እችሰካ፤ ክት ዋቸርሰረ ዋእሰካ፤ ኮም የሰታ ይይነተንካ ኖህ ዋልሰም ክታዘን የሰታ ዋድንካ ኖሄካ እትርሶ ኦሰንድንደትግንዳ ኖ ኦሰንተሬ

21 ኮካንታ ዳቅል ሪይንም ኡርማ ሪካ ጋምካ ዳት ዳቅልርንካ ዐይይ ጋመሬ።

13

ገችንባብከሰካንታ ክትም ዝግዘድንደትም

1 ዐምነረ ገችታ ኤራ ዐፈርድንዳ ሳብታ ጋይተንካ ማቻን ካንታ ታ ደቅድባብከሰረ ገችንታ ኤረንባብከሰ ኬት ዶርምሳንዳ፤ ሳብካ ማቻንካንታ ኤድ ሙደና ኬትም ገችዘድባብከሰካንታ ክትም ዝግዘዴ።

2 ኮካንታ ገችታ ኤረንባብከሰም ግርድባብ ሙደና ሳብታ ክተንም ግርደኬ ክትምዳክባብ ሙደና ይንታዘን ዋጭታ ፍርደንም ተይ ዐይዬ።

3 ቆልድባብከሰ ኬት ጳሰዘድንደና ዳቅልን ይድባብከሰም ዳት ኡርማ ይድባብከሰም ካዬ፤ ገችንታ ኤረንባብከሰም ጳሰክሳ ነግካንታ ዝግዳ? ይና ኡርማ ርይም ይካ፤ ኡርማ የሰታ ፍክሰንካ ቦንቹን ዐብደዬ።

4 ገችንታ ኤረንባብ የሰካንታ ኡርማ ይድንግንዳ ዶርምሰባብ ሳብታ ፍክሰባቤ፤ ገችንታ ኤረንባብ ክት ማሳ ሶቀርሳንዳ ወችኩን ማታክን ካንታ ዳቅልን ይድባብ የሰማቹ ገችንታ ኤረንባብከሰም ጳሰካ፤ ኖ ዳቅል ይድባብከሰም ዋጨርንደትኬ ሳብታ ይምኤንም ማሰካ ሳብካንታ ፍግዘዴ።

5 ኮካንታ ባንችንታ ገችታ ኤረንባብከሰካንታ ክትም የም ዝግዘዴ የ ክትምድንደረ ሳብታ ዋጭን ጳሰካ ዐክ ማታክናና የንታ ገቅርና የም ገቀርዘድን ካንታ ማታ።

6 ግራ የ ግርድንዳ ኮካንቲ፤ ገችንታ ኤረንባብከሰ ኮ ፍክሰንዘን ማችባብከሰ ሳብካንታ ፍግዘደኬ።

7 ይና ገችታ ኤራ ደቅድባብካንታ ይይዝግዝድንደትም ሙዳ ይከቲ፥ ግራ ዝግዝድባብካንታ ግራ ቃረጭ ዝግዝድባብካንታ ቃረጭን ናከቲ፥ ጳሰ ዝግዝድባብካንታ ጳሰ፥ ቦንቻ ዝግዝድባብካንታ ቦንቻም እምከቲ።

ክክ ክክ ሶልማኅካ

8 ዐየንተረ ባዛ የንዘን ዐይ ዶቃ፥ የንዘን ዶቅ ዝግዝድን ባዘና ክክ ክክ ሶልማ ዐክ ማታ። ኤድም ሶልምድባብ ሙሴታ ህግን ቦዴ።

9 “ዐይቤልመ፥ ዐይደይሴ፥ ዐይ ድቤ፥ ኣብ ኤታ ማቻንደትም ዐረነረ ዐይ እንገራ” ጋይድን ክተንከሰኬ ኣብ ክተንከሰ ሙዳ “ኤድም የስታ ማታግንዳ ማሰሶ ሶልምካ” ጋይድን ክታ ሙደና ኮታር የድምቲ።

10 ኤድም ሶልምድባብ ሙዳ ይ ሶልምድባብዘን ዳቅልር ክታዘን ይዳክዬ፥ ኮካንታ ኤድም ሶልምድባብ ሙሴታ ህግን ሙዳ ቦዴ ጋይንትዬ።

11 ይና ግንእርንካ የ አምድንደታ ሳዓትና ታ የልሳንደትም ኤሰከቲ፥ ኤና እር ዋ አሜንሳንደትዘንካ ሰግሰሶ ታ ዋ አቅድንደታ ሰጨና እንድንካ ዋንደር የልቲ።

12 ሶይትና ሰገደቅዴ ሰጨነረ የልቲ፥ ኮካንታ ኡማር ፍክሰምድንደትም ፍክሰን ዛቅቶሮቲ፥ ሳክመንትንደትም ዳምንታ ቆብርን ዋ ቆብራ።

13 ሳክማር ዋ ኦንግድንደትግንዳ ኦንግተሮት ዳት፥ ይግካ፥ ጎዘካ፥ ቤልምካ፥ ኦከካ፥ ጫንጭኬ ቀምሰካ፥ ማታክናና፥ ሳክማር ደቅድባብ ከሰግንዳ ዋንታ ማተን ካርሰሶ ዋ ኦንጋ።

14 ኬዛር ማቼ ጮይሰ የሱሰ ክርሰቶሰም ቆበርከት ዳት የንታ ዋሄንታ እንግርን ጉርምሰካንታ ዐይገቀረቲ።

14

ኤድዘን ፋርድክሳ ነግ

1 የንታ ዋክያር ይንታ አሜንካ ጋፍሰባብ ኤድ ዶቅሴ ፈንካ የንደር ማሰከት ዳት ክታ ገቅርንም ይንኤርካ ዐይፋረደቲ።

2 ዋልቃ ኤድ ዐራ ሪመረ ክት እጅድንግንዳ ይሰዝድንዳ አሜን ክታ ደቅተሬ፥ ይንታ አሜንካ ዳቃክን ኤድ ማቼ ኮርምሳን ርይም ዐክ እጅዴ፥

3 ኮካንታ ዐምንመረ ሪ እጅድ ኤድ እጅዳክን ኤድም ዐይ ይንኤራ እጅዳክባበረ እጅድን ኤድዘን ዐይ ክት ፋረዳ፥ ክትመረ ሳብ ኡርማ ጋይቲ።

4 ይና አብ ኤድ ፍክሰንባብዘን ፋረድባብ የና ዐይፊ? ክት ዋእሴ አነረ ክት ዋቹረ ይንታ ጮይሰካንቲ። ኮት ኮትኮግንደረ ሳብ ክትም ዋይዚድንካንታ ዳቅሶ ዋእዴ።

5 ኮትኮግንደረ ዋልቃ ሰጪና አብ ሰጪንዘንካ ሰግሶ ቦንቶምሳንዴ ጋይሶ ገቀርድባብ ዶቅዳ ማተረ፥ አብነረ ጉጅሶ ሰጪንከሰ ሙዳ የካ ቦንቶ ኬታ ዶቅዳ ዳት ሰጪንከሰታ ዋክያር ፋሰም ካዬ ጋይሶ ገቀርዴ። ይና ኮም ካምሳን ሪይንካ ዋልቃ ዋልቃ ኤድና ይንታ ቡዳርንካ አመንሳንደትም ክት ይያ።

6 ዋልቃ ሰጪን አብ ሰጪንዘንካ ሰግሰሶ ቦንጅድባብ ኤድ ይ ዶቅሴ ኮም ክታ ይተና ጮይሰካንታ ቦንቹ ጋይሴ፥ ዐምነረ እቶምን እጅድባብ ጮይሰታ ቦንቻካንታ ጋይሶ እጅዴ፥ ይ እጅድን እቶምንተረ ሳብም ጋለዴ፥ ዐምነረ እቶም እጅዳክባብ ጮይሰታ ቦንቻካንታ ጋይሶ እቻዬ፥ ይንታ እቶክሳ ነግንተንከረ ሳብም ጋለዴ።

7 ዋንታርንካ ዐምነረ ይንታ ማታ ካንታ ዶቅሶ ይንታ ማታ ካንታ ደእድባብ ካዬ።

8 ዋ ዶቅሴ ጮይሰካንታ ዶቅዶቲ ዋ ደእደሬ ጮይሰካንታ ደእዶቲ፥ ኮካንታ ዋ ዶቅሰረ፥ ዋ ደእደሬ ጮይሰቶቲ

9 ኮካንታ ክርሰቶሰ ደእሶ ደእያርንካ አምሳንዳ አፈካ ዶቅድባብተኬ ደእሰባብከሰታ ጮይሰማት ካንቲ።

10 ይና የና የሰታ እሰመንታ ዘን ዐረተሰ ፋረዳ? አነረ የሰታ እሰመንም ዐረተሰ ቶቶዝዳ? ዋታ ሙደና ሳብታ ፍርዳ ካርንዘን ዋእዶቲ።

11 ኮካከረ

“እታ ሰለንካ ዶቅድባብቲ ጋይዴ ሳብ፥

ኤድ ሙደና ይንታ ቡቀንካ እሰታ እሪ ጉምፈርደኬ፥

ይንታ አድምንከረ እ ሳብ ማትንተን ማርከርዴ” ጋይምሶ ጸፍምቲ

12 ኮካንታ ዋታ ዋልቃ ዋልቀና ዋንታ ማታ ፍክሰንታ ሳብታ እር የልሶቶ ዋ ኦይሰምድንደታ ማሰንም ማዘዶቲ።

ኤድካንታ ኅሀ ማትንዘንካ ካርሰም

13 ኮካንታ ዋንታርንካ ዋልቃባብ ዋልቃባብዘን ዋ ዐይፋረዳ፥ ኬዛር ማቼ ዐየነረ ኤድ ይንታ እስመንዘን ኮተርዝድባብ እነረ ጎሄርዝድባብ ማትንዘንካ ክት ካርሰማ።

14 ዋልቃ ር ቱነ ጋይሶ ገቀርድባብ ኤችካንታ ና ሪይና ክትካንታ ቱና ማዳ ዳት ዐምነረ ሪ ይንታ ማታርንካ ቱና ማታክንደትም ጮይሰ የሱሰካ ኤሰሰትቲ

15 የና የሰ እጅድን እችምን ጎካ የሰታ እስመንካንታ ጎሀ የሰ ማቼ ሰልመካ የና ደቅድባብ ካያዬ፥ ኮካንታ ክርሰቶሰ ክትካንታ ደእሰባብ ኤድ የሰ እጅድን እችምን ጎካ ካይድን ግንዳ ዐይ ይዬ።

16 ይና የንደር ኡርማ ማቻን ርይም አብንከሰካንታ ይንኤርድን ግንዳ ዐይ የቲ

17 ሳብታ ባንችምና አያን ጭልንካ ዐፈርድንዳ ጭለትች፥ ሳራትችኬ ጉርምካ ዳት እችምኬ ዋጭምካ ሰችዝድንዳ ካዬ።

18 ኮግንደካ ክርሰቶሰካንታ ፍግዝድባብ ኤድ ሳብም ጉርምዝዳ፥ ኤደረረ ቦንችምሰባቤ።

19 ኮካንታ ሳራትች ዐፈርድንደትምኬ ክክ ክክ ዳቅሰርቶ ጎርሰምተርቲ።

20 እችምታ ጎግካ ሳብታ ፍክሰን ዋ ዐይጫልአ። እችም ሙደና ኡርማ፥ ኬዛር ማቼ አብ ኤድም ኮተርዝድን እችምን እችና ኡርማ ካዬ።

21 ኮካንታ የሰታ እስመንም ኮተርዚዳክን ግንዳ ዋሀ እችክሳ፥ ዋጭምንመረ ዋጭክሳ ነግና፥ እነረ ዐምንመረ ኮተርዝድን ርይም ይክሳ ነግና ኡርማ።

22 ይና ኮና የሰታ አሜንና የሰተኬ ሳብተካ ዋክያር ማታ፥ ኮናገቲ ጋይሶ ይ አሜንድን ርን ክት ይድንካ ክታ ገቅርና ክትም ገቀርዝዳክባብ ኤድ ቦንችምሰባቤ።

23 ዐኤረሮ እጅድባብ ኤድ ማቼ ክቴና አሜንዘን ማታክንካንታ ክታዘን ፋረዳ፥ አሜንካ ይይማክን ሪሙደና ጎማ።

15

ይንታ ማተዘንካ ሰግሰሶ ኤድም ጉርምሰ ዝግዝድንደትም

1 ዋታ አሜንካ ዳቅማ ማችባብ፥ አሜንካ ጋፍሰባብከሰታ ጋፍንም ባላ ዋም ዝግዝዳ ዳት ዋንታ ማተን ዐክ ጉርምዝድባብ ማት ዝክሳዬ፥

2 ዋጋ ዋልቃ ዋልቀና አብ ኤድና ይነታ አሜንካ ክት ዛብድን ግንዳ ክትም መይድንደትምኬ ክትም ጉርምዝድን ሪ ዎ ይያ።

3 ክርስቶስ ይነታ ማተንም ጉርምሳክዬ፥ ሰግሰሰረ “ኤድንከሰ የሰም የክሳን የክና እስታዘን የልሴ” ጋይድንደና ጭል ማጻፍንከሰታ ጋይተና ክታዘን የልሴ።

4 ጭል ማጻፍንከሳርንካ ዎ ዐብብድ ሪይና ዳንዳእኬ ዳቅንተካ ዐብድን ጉርም ዎንታ ደቅድንግንዳ እርምሶ ጻፍምሰባብ ሙደና ኤሰሰታ ዎካንታ ማድንግንዳ ጻፍምተኬ።

5 ዳንዳእንምኬ ዳቅንተን እምድባብ ጮይሰና ክክ ክክ የሱሰ ክርስቶስታ ካምሰን ጎርሰምካ የካ ደቅንትታ ዋልቃትኝን የካንታ እማ።

6 ኮትኮግንደረ ዎንታ ጮይሰን የሱሰ ክርስቶስታ ባቤን ሳብና * ዋልቃ ቡደኬ ዋልቃ ኬዘካ ክትም ቦንቕተርን ግንዳ የምክት ማሳ።

ክላ ኬዘንታ ቃለና አይሁድ ማታክባብከሰካንታ ሳባክምና

7 ክርስቶስ ሳብታ ቦንቕካንታ የም ክት ተያንደትግንዳ የታ ሙደነረ ዋልቀና አብን ጉርምካ ሞካ።

8 ኮመረ ክት ኬዘድንካ ሳብ ኤና እር ባብንከሰካንታ ክት እምሳንዳ ዐብድን ጉርምና ቦድንግንደኬ ሳብተረ ዶፈንና ኤሰምድን ግንዳ ክርስቶስ አይሁድንከሰካንታ ፍክሰባብ ማቼ እስታ ጋይንትዬ።

9 ክርስቶስ አይሁድንከሰታ ፍክሰንባብ ክት ማቻንደረ አብ ጎገና አይሁድማታክባብከሰ ሳብም ክታ እጭርንጎካ ኬት ጋለድንግንዳ፥ ኮነረ፥

“ኮካንታ አይሁድ ማታክባብ ከሰታ ዎክናር የሰም ጋለድቴ

የሰታ ላምንካንተረ ጋለትካ የጅድቴ”

ጋይምሶ ጻፍምሳን ግንዴ።

10 ጉጅሰረ፥

“የታ አይሁድ ማታክባብከሶ፥

ሳብታ ዎርሰንካ ክክን የም ጉርምሳ!” ጋይምሶ ጻፍምቴ

11 ካርንከረ

“አይሁድ ማታክባብከሰ ሙዳ! ጮይሰም ጋለትከቴ፥

15:3 የቼ 69:9። * 15:6 ግርክንታ ኤናር ጋይድንደና የሱሰ ክርስቶስታ ባብንከ ጮይሰካ ጋይዴ። 15:9 2 ሳሙ. 22:50፤ የቼ 18:49። 15:10 ካሪ. 32:43።

ዋርሳ ሙደነረ ጋለትከቲ!” ጋይምሶ ጸፍሞቲ።

12 ኮትኮግንደረ ኢሰያስ፤

“እሴይታ ሱሱሳርንካ አጥምድባብ ዐዴ፥

እይሁድማታክባብከሰተረ ጎርሰባብ ማትሶ እምዴ፥

ከተረ ይነታ ዐድን ጉርምን ክታዘን ይደኬ” ጋይዴ።

13 የነታ ዐድን ጉርምና እያን ጭልነታ ዋልቀካ ጋጰሮ
እይድንግንዳ ዐድን ጉርምን እምድባብ ጮይሰን ክትካ የነታ
እሚንምንካ ጉርምኬ ሳራትችን በችሶ የካነታ እማ።

ጳውሎስ ሙቅምካ ጸፍሳንደና

14 እስታ እስመንከሰኬ ምቕንነከሶ! ላቅም ኤድ የነታ
ማትንተንካ ኤስካ ጋጵሰባብኬ የታ ዋልቃ ዋልቀነረ ኡብንም
ዘራካነታ ማድባብ የነታ ማትንተን እታ ኤስትቲ።

15 ዋልቃ ዋልቃ ሪይንከሰም ገቀርሰካነታ እታ ዝግለቶ ኮም
ክተንም ሳብ እካነታ እምሳን ወቹ እምንተን ግንዳ ሙቅምካ
የካነታ ጸፍሳቲ።

16 ኮነረ ወቕ እምንተና እካነታ እምምሳንዳ ሳብታ ክላ ኬዘታ
ቃለንም እይሁድ ማታክባብከሰካነታ ኬዘካ ቄሳ ግንዳ ማትሰቶ
የሱስ ክርስቶስታ ፍክሰካነቲ፥ ኮካነታ እይሁድ ማታክባብከሰም
እያን ጭልነካ ሳብካነታ ፋሰምሰባብኬ ሳብመረ ጉርምዘድን
ካሲ ማትሰኮ ከት ዐፈርድን ግንዳ እታ ሳብካነታ ፍግዘድቲ።

17 ኮትኮንካ የሱስ ክርስቶስካ ሳብካነታ ፍክሰባብ እስታ
ማትንተንካ ጋይርድቲ።

18 እይሁድ ማታክባብከሰ ክትምድባብ ኬት ማድንግንዳ
ይይካነታ ክርስቶስ እስታ ኬዘንኬ ፍክሰንካ ክት ፍክሳን ርና
ማታክንዳ ማቹ ዐረነረ ሙቅምካ ኬዛይቲ።

19 ኮትኮግንደረ እንድር እተንከሰኬ በርእዘድን ፍክሰንከሰካ
እያን ጭልነተረ ዋልቀካ የሩሳሌማርኬ ሞረንከሳርንካ የድሶ
እልዋርቆን ፍጫ የለልታ ክርስቶስታ ክላ ኬዘን ኤስሰትቲ።

20 ሙዳዐይካ እስታ ኣንግርነረ ኡብ ኤድ የጃን የድንዘን
የድይ ማታክናና ክርስቶስታ ላም ኤስማክን ካሪ ሙደናር ክላ
ኬዘን ኤስምሰዬ።

21 ኮነረ፤

“ኮታ እሪ ክትካካ ዐረሰነረ ከትካነታ ከዘማክባብ ኤድንከሰ
ክትም ሰደኬ፥

ክትካካ ኤስራክባብከሰረ ገቀርት ተይደኬ”

ጋይሞሶ ጸፍሞሳን ግንዴ።

ጳውሎስ ሮማ ፍጨናር አይካንታ ገቀርና

22 ታካ የለልታ የንደር ዐድካንታ እ ማታክንደና እርምሶ እ ከዛንጎኬ።

23 ታ ማቼ ኮ ሞረናር ዶቅድን ፍጨንከሳር እ ፍግዝድንደታ ካሪ ካየንካንታ፥ ኮት ኮግንደረ በድ ስለንከሳርንካ የድሰቶ የም ሰድንካንታ እንድር እሰታ እንግር ዶቅድንካንቱ፥

24 እስፔን ፍጨናር እ አይድንደትዐይካ ጎግንኮትካ የም ሰድንካንታ ገቀርቱ። መራ ሰጫካንታ የንካ ክክን እም ጉርምሰንካ እ ዶቅሳንደታ ቡር ጎግን እ አይድንግንዳ ይድን አሌንም እካንታ የ ይድንደትም ጉርም ይድቱ።

25 ታ ማቼ አሜንድባብ ከሰካንታ እምምድን ብረታ አሌን የድሰቶ የሩሳሌማር አይድቱ።

26 ኮነረ መቅዶንያ ፍጨናርኬ አካያ ፍጨናር ዶቅድባብ አሜንድባብከሰ የሩሳሌማር ዶቅድን ር ካያባብከሰካንታ ብረታ አሌን አይትካንታ ቡዳርንካ ገቀርሰኮ ከት ኤእሳንካንቱ።

27 ኮመረ አሌን ይንታ ጋይተካ እምሰባብከሰ ከታዘንካ ነጋይንዳ ማቻንካንቱ፥ አይሁድ ማታክባብከሰ አይሁድንካ ክክን አያንንታ እንጀንም ካሰምድባብከሰ ኬት ማቼ ከተረ ፍጨዘን ዶቅድን እንጀንካ አይሁድንከሰም አሌና ከታዘንካ ነጋይንዴ።

28 ኮካንታ ኮም ሳንሰምሳንደትም ብረን አሌን የሩሳሌማር ተይ አይሰቶ እ እምሳንደታ ቡር የንደርንካ እፔፈን ፍጨናር አይድቶ የመረ ሰድቱ።

29 የንደር እ ዐዳንደትዐይከረ ክርሰቶሰታ እንጀን ጮጭካ የካንታ ተይ እ ዐድንደትም ኤዘድቱ።

30 እሰታ እሰመንከሰኬ ምቹነንከሶ! እጎካ ሳብደር ምክሰካ እሰታ ፍክሰንታ ጉርንካ እም የ አልድንግንዳ ዎንታ ጮይሰን የሱስ ክርሰቶሳርኬ እያንጭልንታ ሶልመንካ የም ምግዝድቱ።

31 እካንታ የ ምግዝድንደረ ይሁዳ ፍጨናር ዶቅድን አሜንዳክን ኤድንከሰታ እንያርንካ እ አቅድንግንደኬ የሩሳሌማር እሰታ ዶቅድን ፍክሰነረ አሜንድባብ ከዘደር ኡርማ ማድንግንዴ

32 ኮነረ ማቻንደታ ቡር ሳብ ጋይሴ ጉርምካ የንደር ዐድሰቶ ቶክም ሰጫ ኡክንድቱ።

33 ሳራትቸንታ ጮይሰና የሙደንካ ክክን ማታ! እምንኤ።

11 አይሁድ ማቸባብ እስታ ሱሳ ሄሮድዮንካንታ፡ ናርሰስታ ኤር ኤድን ጮይሰታ ላምንካ አሜንሰባብከሰካንታ እስታ ሳራትቸን የልሰከቱ።

12 ጮይሰታ ፍክሰካ ጋብድባብከሰካንታ ዋንታ ምቹነን ቱርፍያ ካንተኬ ዋንታ ምቹነን ቱሩፎሳ ካንታ፡ ጮይሰታ ፍክሰካ እንድር ኮት ጋፍሳን ክርሰቶሰታ ላምካ ኮትም እ ሶልምድን ፈርሰሳ ካንታ እስታ ሳራትቸን የልሰከቱ።

13 ጮይሰካንታ ፍክሰካ እንድር ኤሰምሰባብ ዋንታ እሰመን ሩፎሰ ካንተኬ፡ እመረ ይንታ ይንቸግንዳ እም ሶልምድ ዐቃን እንደንካንተረ እስታ ሳራትቸን የልሰከቱ።

14 አሰንክርቶእሰ ካንተኬ ፍልጎንካንታ ሄርመሰ ካንታ፡ ፋትሮባሰ ካንታ፡ ሄርማሰ ካንተኬ ከትካ ክክን ዶቅድን እሰመንከሰካንታ እስታ ሳራትቸን የልሰከቱ።

15 ዋንታ እሰመን ፍሎሎጎሰ ካንታ ዋንታ ምቹነን ዩልያ ካንታ ምቹነን ነርያ ካንተኬ ኮታ ምቹነን ካንታ፡ ኮትኮግንደረ ኦሎምፋሳ ካንተኬ ከትካ ክክን ዶቅድባብ አሜንድባብ ሙደንካንታ እስታ ሳራትቸን የልሰከቱ።

16 ኡርማ ቡዳርንካ ማቸን ሳራትቸንካ ክክ ክክ ሶንቅምከቱ። ክርሰቶሰካ አሜንሰባብ ዐክዐክ ምክሰ ኤሄናርንባብከሰ ሙደና ኡርመቶ የም ጋይዴ።

በእንታ ዞራ

17 እስታ እሰመንከሰኬ ምቹነንከሶ! የተያን ኤሰሰን ግርድባብከሰ ማትንተካ የንታ ዋክያር ፋሰምኬ ማጠም ተይዐድን ኤድንከዘንካ ካርሰምከቱ፡ ከታዘንከረ ጎተርከቱ!

18 ከትኬናከሰግንዳ ኤድና ይንታ ማታ ካንታ ዳት ዋንታ ጮይሰ ክርሰቶሰካንታ ፍክሳየኬ። ኡርማ ካምድን ሳርሰ ኬዝካ ጩባ ካየን ኤድንከሰታ ቡደን ገሰዝደኬ።

19 ክላ ኬዘንታ ቃለንካ ክትምድባብ የንታ ማትንተንካ ኤድ ሙደንደር ኤሰምሳንካንታ ዋም ጉርምሳንዳ ማቸንከረ፡ ኬዛር ማቼ ኡርማ ርካንታ ኤጨንክንባብከሰ ዳቅልር ካንታ ማቼ ቡዳርንካ እተርድባብከሰ የ ማተርንግንዳ ዝግድቱ።

20 ኮም የ ይይሴ ሳራትቸንታ ጮይሰና ሳነካ ሰጣንም የንታ ዱትንታ ጎያር ና ሙክተሬ። ዋንታ ጮይሰ የሱሰ ክርሰቶሰታ ዉቕ እምንተና የንካ ክክን ማታ።

21 እነካ የካ ፍግዝድባብ ጠማቶስ፥ ኮት ኮግንደረ አይሁድ እስታ ሱስንከስ ማችባብ ሉቅዮስኬ እያሶን፥ ሶስጴጥሮስረ አቦ የም ጋይደኬ።

22 ኮም ክተን ጸፍሰባብ እተረ ጠርጥዮስ ጮይስታ ላምንካ አቦ የም ጋይድቴ።

23 እምንኬ ሙዳ ምክስ ኤሄናር ዶቅድባብከስም ሞግድባብ ጋይዮስ፥ ካተመን ገቛዝድባብከሳርንካ ዋልቀና፥ ኤራስጦስ፥ ዋንታ እስመን ቀዋርጦስ አቦ የም ጋይተኬ። [

24 ዋንታ ጮይስን የሱስ ክርስቶስታ ዉቕ እምንተና ዋ ሙደንካ ክክን ማታ! አምንኤ።]

ጋላታ ምክስ

25 እከዝድን ክላ ኬዘንታ ቃለና የሱስ ክርስቶስንካ ኬዘምድን ክተንኬ ኤና እሪ ስለንዘንካ የድሶ አችምሶ ዐቃጻጻ፥ ታ ማቼ መይምሳን ዶፈንንታ አችምሳን ኬዘንንካ ሳብ የንታ አሜንካ የ ዋእድንግንዳ ይይካንታ ማዴ።

26 ታ ማቼ ኮና ዶፈንና መያ ማቴ፥ ስለንክንባብ ጮይስንታ ክተንካ ሙደነረ አሜንሶ ኬት ክትምድንግንዳ ሳብዘንካ ኤስርሶ ኬዘድባብከስታ ማጸፍንንካ ዋርሳ ሙደና ኬት ኤዘድንግንዳ ይይምቴ።

27 ኖ ዐክ ኤጫ ዶቅድባብ ዋልቃ ሳብንካንታ የሱስ ክርስቶስንካ ስለንክንደት የለልታ ቦንቻ ክትካንታ ማታ! አምንኤ።

16:21 እይት. ፍ. 16:1።
ጠማ. 4:20።

16:23 እይት. ፍ. 19:29፤ 1 ቆሮ. 1:14፤ 2

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab